



3

0

劔南詩彙目錄

卷第七十四

書道室壁

書志

雪夕

書枕屏

四首

二友 寄五郎兼示十五郎 鄰曲相過

東窗 曉寒 小雪 書感 家釀頗

勁戲作 食齋糝甚美蓋蜀人所謂東坡

羹也 雜興 四首 幽情 醉歌 霜冷

讀書雜言 東嶺 書戒 書空壁 雪

意 山房 晨起 兩雁 書文彙後

題唐執中書樓 歲晚首六 雀啄粟 老

翁 寄子虞 雜詠首四 曉起折梅 累

日濃雲作雪不成遂有春意 晚晴出行

近村閒詠景物 道室戲詠 書感首三

臘月 雪作 卽事 或遺以兩大瓢因

寓物外興 歲未盡前數日偶題長句首五

余得蘆竹拄杖于舍傍民家似蘆非蘆

堅勁輕滑色如栗玉入手鎔然微有聲它

杖莫及作五字唐律記之 八十四吟首二

歲算首六 書感 書適 學道 舟中

作 得蜀信 送蘇趙叟赴省試 新春

感事八首終篇因以自解 自歎 初春

首二 簡傅十八官 開歲愈貧戲詠 戊

辰立春日首二 早春出遊 春寒 園居

郊行 野望 晨起 午坐

劍南詩彙目錄

卷七  
四終

劍南詩彙卷第七十四

書道室壁

餘生天地一飛蓬學道年來似有功習氣掃除  
 空劫外精神澡雪隱書中種瓜谿父時時見賣  
 藥壺公處處同莫謂與人緣苦薄相隨拍手有  
 兒童

書志

蓬矢桑弧射四方豈知垂老臥江鄉讀書雖復

具隻眼貯酒其如無別腸  
足馬揚鞭遊鄴杜扁  
舟揆施上瀟湘自悲此志俱難豁  
且復狂歌破夜長

雪夕

目視眈眈左耳聾  
吾衰略與咎人同  
移燈自看冷澣影  
取酒時澆礪魄胸  
東郭稍能師順子  
北山未敢笑愚公  
空村雪虐風饕夜  
袖手悠然政策功

書枕屏

西域兜羅被南番  
篤耨香慣眠三丈  
日不識五更霜

又

心若冰將釋貌如兒  
未孩青城上官叟  
時入夢中來

又

甘菊縫爲枕疎梅  
画作屏改詩眠未  
穩聞雪醉

初醒

又

星斗闌干曉窗扉矐矐明金門與茅店一種是  
雞聲

二友

剗儲名酒待梅開淨埽虛窗候月來老子幽居  
得二友人間萬事信悠哉

寄五郎兼示十五郎

八十九十老可驚白髮森然憎鏡明身當遊岱  
尚少駐書欲藏山殊未成大兒爲國戍絕塞季  
子伴翁親短檠古人已矣不可作夜闌撫几歎  
平生

鄰曲相過

鄰曲集山家相看一笑譁扶行足蹉踣半落齒  
槎牙農圃乖生理風霜感歲華老來情話少更  
盡此甌茶

東窗

臘近寒何薄秋衣著尚宜年光祈雪見節物賣  
燈知川日初沉後樓鐘欲動時東窗對兒子聊  
與細論詩

平旦曉寒

落月銜山口濃霜倒菊叢青檀壓衾暝輒火滿  
爐紅起晚書虧課愁多酒策功杜陵如管否誰  
與問征鴻

湖食小雪

簷飛數片雪瓶插一枝梅童子敲清磬先生入

定回

書感

夢裏逢無咎天涯哭季長吾生亦有幾且復釣  
滄浪

家釀頗勁戲作

千古英雄骨作塵不如一醉却關身鼎來雖恨

金陵蕘熟味方知孟子醇試問浩歌遺世事何  
如酣枕養天真竹林嵇阮雖名勝要是淵明最  
可人

食薺糝甚美蓋蜀人所謂東坡羹也

薺糝芳甘妙絕倫啜來恍若在峨岷尊羹下豈  
知難敵牛乳抨酥亦未珍異味頗息修淨僕祕  
方常惜授厨人午窗自撫膨脝腹好住煙村莫  
厭貧

雜興

鋤草春愈茂養草秋亦衰不如兩置之榮悴渠  
有時

又

栖雞未旦鳴粒食固宜報林鳥何預人噉噉欲

誰告

又

碩果墜池響魚隊散無迹空弦可落雁此事蓋



自答

又

滌硯欲其潔磨鏡欲其明願一試息之與已孰

重輕

幽情

免歸又破六年閒每寄幽情煙水間清鏡不藏  
新白髮芳樽猶惜舊朱顏一編蠹簡心空在百  
瓮寒螿債未還莫爲岷峨勞夢想故鄉隨分有

名山

醉歌

不癡不聾不作翁平生與世馬牛風無材無德  
癡頑老爾來對客惟稱好相風使帆第一籌隨  
風倒拖更何憂亦不求作佛亦不願封侯亦不  
須脫裘去換酒亦不須賣劍來買牛甲第從渠  
饜梁肉貂裘本自出兜鍪燮理陰陽豈不好纔  
得閒管晴雨如鶉鳩辛苦築壘拂雲祠不如吟

歎風月登高樓爾作楚舞吾齊謳身安意適死  
卽休凶險來幸自由忠義愛野鶴定不我欺  
賦詩霜冷對西水不飲寶樹來買十月第以  
梅花消息動江邊漸見新春換故年莫道孤翁  
心似鐵夜來霜冷透青氈臥風吹柳絮一簫  
不識讀書雜言餘平土與甘雨平風無林無  
書亦何用於世哉聖人之言如造化巍巍地闢  
而天開淵源虞唐至周孔黃河萬里崑崙來天

不使諸儒爲戰國血又不使六藝爲亡秦灰豁  
如盲瞽見皦日快若聾瞶聞春雷插空泰華起  
突兀垂天雲漢森昭回奈何後世獨不省顧捨  
夷路趨邛邽不知開眼蹈覆轍乃欲婦罪車輪  
摧福有基禍有胎一朝產禍吁可哀

東嶺

雲罅漏斜日駕言東嶺行鴉翻半天黑鷺起一  
川明小立照溝水欲婦聞角聲君看浮世事何

處異棊枰

書戒

我幼事父師熟聞忠厚言治身接物間要使如  
 春溫鞭朴不可弛此語實少恩但能交相愛餘  
 亦何足論家貧賴奴婢炊汲與磨門餘力具茗  
 藥夕飯或至昏有過尚當貰況可使煩冤出仕  
 推此心所樂在平反寧坐輒弱廢促駕歸丘園  
 吾老死無日作詩遺子孫

書空壁

煙水雲山千萬重散人名號繼吾宗買雛養就  
 冲霄鶴拾子栽成偃蓋松父老年年同社酒兒  
 孫世世作春農晚窗睡覺添幽事臥聽蘭亭古  
 寺鐘

○雪意

句：雪意占自戰一先

風吼江郊雪意濃雲如兩陣決雌雄山寒酒過  
 平時量窗黑書虧半日功閒話更端茶竈熟清



書文彙後

上蔡牽黃犬丹徒作布衣苦言誰解聽臨禍始知非

題唐執中書樓

吾州唐子他州無閉戶偏讀家藏書志氣頗聞已山立神仙固自多樓居終日坐忘對燕几有時出遊騎蹇驢人生如此自可爾勿羨新貴高門閣

歲晚

雲暗郊原雪意稠天公似欲富來麤布衾歲久真如鐵詎敢私懷一己憂

又

不學空門不學仙端居曾次自超然絳人甲子君休問新歲吾兒本命年

又

戒殺家庖罷饋魚病脾亦復禁寒蔬莫慙鄰里

嘲枯淡出甌香粳玉不如

又

小岫嶙峋炷寶熏卷書閒對一窗雲雁聲忽向  
天邊過起立中庭看斷羣

又

小塢梅開十二三曲塘冰綻水如藍兒童鬪采  
春盤料蓼茁芹芽欲滿籃

又

久已功名不上心亦無心要老山林鹿門采藥  
悠然去千載龐公是賞音

雀啄粟

坡頭車敗雀啄粟桑下餉來烏攫肉藥時投隙  
自謂才苟得未必爲汝福忍飢蓬蒿固亦難要  
是少遠彈射辱老農輟耒爲汝悲豈信江湖有

鴻鵠

老翁

老翁睡少知遙夜貧士衾單怯苦寒悶裏不嫌  
村酒薄瘦來偏覺舊衣寬籬門遇健時能出書  
卷乘閒亦取看深愧野人憐寂莫放鋤相喚共  
朝餐

寄子虞

人生恨無年我老已爛熟退耕鏡湖上風雨有  
茅屋事君闕補報得此不啻足餘年尚幾何嫋  
嫋風中燭大兒戍塞垣馳馬佩矢箠去家千餘  
里辛苦就微祿書來續三紙語悲不忍讀適弟  
在我傍亦復淚溢目門戶嗟日衰持守賴家督  
雪雲暗淮天念汝方露宿

雜詠

少日狂疎觸怒嗔每緣憂患喪吾真晚收咄咄  
書空手却作騰騰任運人

又

得過一日且一日安知今吾非故吾喪手明窗

讀周易不辜香餌一齋孟吾非沽酒與羊腸  
又

松肪燎火滿爐紅  
鬢粟煎湯到手空  
試問參居守丹竈  
何如醉臥聽松風

又

舊聞五岳多靈藥  
晚遇高人得祕文  
夢境此身常是客  
幾時歸臥華山雲

里辛曉起折梅

織女斜河漏已殘  
長庚配月夜將闌  
小橋幽徑無人見  
折得梅花伴曉寒

累日濃雲作雪不成  
遂有春意

釀雪經旬竟不成  
一霜却作十分晴  
雲歸岫穴千峰立  
暝入郊原萬耦耕  
菖葉離離豐歲候  
梅花眷眷故人情  
道傍孤店新醅熟  
已有幽禽一兩聲

晚晴出行近村閒詠景物



雪雲吹盡木陰移正是先生曳杖時老特行將  
新長犢空桑臥出寄生枝醫翁算過囊探藥筮  
叟晨占手布著誰謂人間足憂患未妨古俗自  
熙熙

道室戲詠

道身隱太華壯歲客青城采藥何辭遠燒丹久  
未成傳生已醉死韓子得狂名猶有殘詩在  
他年遺後生

書感

人生百憂坐一官況與羣飛接羽翰兩具吳牛  
給畊足三間茅屋著身寬煮蒿悽愴會不免簡  
儉寂默差可安康莊坦坦不整駕可憐平地生

濤瀾

又

舞非得譜拍拍鎔行未知津步步危劫石消磨  
會當盡太行突兀乃可移清晨瓦釜煮藜粥遙

夜地爐燒豆萁此中正自有佳處區區外慕寧  
非癡

又

茅檐住穩勝華屋芋糝味甘如大烹靜觀萬事  
付一默埽空白髮非黃精丈人祠西鶴傳信小  
姑山前鼉報更興闌却揮短棹去曉渡清伊聽

玉笙

臘月

今冬少霜雪臘月厭重裘漸動園林興頓寬薪  
炭憂山陂泉脉活村市柳枝柔春甦吾何患嘉  
蔬日可求

雪作

今年冬暎異常時造物收功乃爾奇平野忽看  
吹雪片清池俄復結冰漸飛蝗埽地無遺種瑞  
麥連雲有兩岐想見市樓增酒價淡居袖手歎  
吾衰

吾衰卽事

雲本無心木不材平生得喪信悠哉釣魚每過  
桐江宿賣藥新從剡曲回山圍萬蔓晨灌溉地  
爐芋栗夜燔煨人情萬變吾何預笑口何妨處  
處開雲卦

菴日或遺以兩大瓢因寓物外興

榭葉爲衣草結廬生涯正付兩葫蘆名山歷徧  
家何有塵念空來夢欲無野鶴巢雲元自瘦澗

松埋雪定非枯悠然但覓高樓醉何處人間無

酒徒

歲未盡前數日偶題長句

老向人間迹轉孤參差煙火出菰蒲數畦綠菜  
寒猶茁一勺清泉手自斟穀賤窺籬無狗盜夜  
長煖足有狸奴歲闌更喜人強健小草書成鬱

壘符符

又

短褐蕭蕭一幅巾。明時乞與水雲身。平生不售

屠龍技。投老真為種菜人。釜粥芬香餉鄰父。闌

豬豐腴。祭家神。聯翩節物驚人眼。儼鼓停槌。又

見春

臘月八日以粥相餽北俗也蜀人豢豬供祭謂之歲豬

又

枿欄小弁野人裝。八十三年舊話長。真笑形骸

無藉在。本知生世不牢強。茅檐啼鳥初相命。煙

渚歸鴻漸著行。想得城中盛冠蓋。家家來往薦

椒觴

又

風號四野雲如墨。徂歲消磨不滿旬。瑞雪便應

平地尺。野梅又報一年春。長河斷渡冰將合。古

寺題詩手為皴。僵臥閉門行路絕。安知今代獨

無人

又

漸近新年日愈長。不辭扶病舉椒觴。了無一事

千靈府只合終身住醉鄉鬪釘春盤兒女喜擣  
 篋臘藥婢奴忙蜀州白首猶癡絕更與梅花賦  
 斷腸

余得蘆竹拄杖于舍傍民家似蘆非蘆堅  
 勁輕滑色如栗玉入手鎔然微有聲它杖  
 莫及作五字唐律記之

輕堅蘆竹杖入用自龜堂挺節冰霜後論交歲  
 月長心空無寵辱時異有行藏老病登臨少何

妨日倚床

新歲八十四吟

意頗重疊換語却有生趣

新歲八十四自宜形影孤睡憑書檝相愁賴酒  
 枝梧兒問離騷字僧傳本草圖孰言生計薄種  
 芋已成區

書氣又昇融

七十人稀到吾過十四年交遊無輩行懷抱有  
 曾玄飲敵騎鯨客行追縮地仙城南春事動小

寒又翩翩  
書房偷得  
方坐穩却愁轉眼又新春

逢迎嬾正伴曾孫竹馬嬉

挹泉石鼎煎崖蜜候火銅爐炷海沉一坐便應  
論十劫不知歲月去駸駸

常苦嬾爲誰欲理一團絲

誰復過天教二友伴清閒

壽又天降二丈半青間

少慕浮名百種癡老知世事盡兒嬉從今春困  
不須賣睡到日高三丈時

書感

襁負客淮穎鬣鬣逢亂離中原遂乖隔北望每  
傷悲泛渭題新賦遊嵩續舊詩死生雖異世此

意未應移

泛渭賦遊嵩詩  
見白歐二集

野泉書適更堪

細讀養生主長歌歸去來山僧偕水品溪父送  
琴材病退稀求藥身閒日探梅今宵喜無寐岷  
下有書回

齒邊學道

學道知專氣尊生得養形精神生尺宅虛白集  
中局出岫孤雲靜凌霜老栢青晨興取澗水漱  
齒讀黃庭

東浦舟中作

初雨詩

東浦菰蒲合南莊桑柘繁

皆村落名

潮生無斷港寺

廢有頽垣糴米尋山步移舟泊水村野人多舊

識相對兩無言

得蜀信

齒髮凋零志氣衰強臨尊酒祗成悲少年半是

投閒日春事常當臥病時憂患頗疑書作崇功

名不似老如期青城舊友頻相約歸養金丹尚

未遲

送蘇趙叟赴省試

關路誰非觀國賓此君肝膽獨輪囷故家遺俗

欲墜地博士議郎方要人久矣扁舟弄江月往

哉駸馬踏京塵勅中墨色如鴉溼日待東歸

笑新

新春感事八首終篇因以自解

九陌風和不起塵平湖水解欲生鱗往來朝暮

紛如蟻得見新春有幾人



餘吹又將良節春宵幾人

興來遊衍不辭遙吹帽風輕過画橋猩血未看

開露蕊翹塵先已止煙條因以自憐

笑陳又

一年最好早春天風日初和未脫絲坎坎圓聲

賽神社翻翻小繖下湖船

關又

憶到夔門正月初竹枝歌舞擁肩輿當時光景

應如昨綠鬢治中八十餘夔府

又

錦城舊事不堪論回首繁華欲斷魂繡轂金羈

三十里至今猶夢小東門

又

玻璃江上柳如絲行樂家家要及時只怪今朝

空巷出使君人日宴墓頤眉州

又

梁州陌上女成羣  
銅綠春衫罨畫裙  
相喚遊家園裏去  
鞦韆高挂欲侵雲

興元

又

烏藤卽是碧油幢  
百萬天魔指顧降  
酣枕不知霜縞瓦  
下床已見日烘窗

自歎

晨興袖手觀空寂  
飯罷寬腰習按摩  
堪歎一生閒日月  
爲身時少爲人多

初春

春入陂湖已折冰  
流年誰解繫長繩  
土膏動後麥苗長  
桑眼綻來蚕事興  
稅足了無徵欠吏飯  
香時有乞齋僧  
開正父老頻占候  
已決今年百稼登

又

漠漠春寒罷對碁  
霏霏春雨却催詩  
梅花一樹映疎竹  
茅屋三間圍短籬  
醉倒幸無官長罵  
出

遊自有老人期年光滿眼吾何憾又近吳蚕浴  
種時春寒 種時春寒

簡傅十八官 漢孺

朋舊凋零盡新交得雋人文章諧律呂議論足  
精神甚欲邀聯騎無如困負薪蘭亭脩禊近爲  
記永和春

開歲愈貧戲詠

謝事貧過筮仕初歸裝僅有一柴車笥衣盡典

仍耽酒困米無炊尚買書澗底飽觀苗鬱鬱夢  
中聊喜蝶遽遽商山幾許功名事老子如今却  
笑渠

戊辰立春日

昨夜風搖斗柄回典衣也復一傳盃故人久作  
天涯別新句空從枕上來清鏡豈堪看鬢色小  
園剗欲覓桃栽頽然却恨貪春睡不盡城頭畫  
角哀

又

臥聽城門出土牛  
羅旛應笑雪蒙頭  
但須晨起一卮酒  
聊洗人間千種愁  
處處樓臺多俠客  
家家舫待春遊  
梅花未徧枝南北  
定為餘寒得小畱

早春出遊

地爐久厭撥寒灰  
一笑真成病眼開  
不恨城笳催日落  
且欣楊柳報春回  
蹇驢破帽人人看  
南陌東阡處處來  
聞道禹祠遊漸盛  
也謀隨例一持盃

春寒

故歲無多雪新春  
乃爾寒柴車  
歸里社茅舍  
老江干客熟沽醅  
啜孫癡索飯  
搏更憐菘芥長殊  
勝仰園官

園居

欲出還中止  
微陰却快晴  
檻花栽盡活  
籠鳥教

初百詩集

卷之七四

及古

初成身寄江湖久心知富貴輕還嬰吾所證手

自寫菴名 近名小室  
曰還嬰

郊行

山色埽石黛江流漲麴塵春晴不終日老病動  
經旬竹密有啼鳥村深多醉人東阡與南陌處  
處寄閒身

野望

偶攜一小豎徒倚望南山船笛爲誰怨溪雲如

我閒洲長歸雁下天迥暮鴉還安得一竿去終  
年煙水間

晨起

日高霜漸釋睡起髮猶蓬小圃經行外新蔬檢  
校中水開聞躍鯉天遠看飛鴻粥熟還歸舍吾  
生亦未窮

人爲午坐

茶盃凝細乳香岫起微雲樹影窗間見禽聲屋

角聞流年易拋擲舊學失鋤耜師友今零落何  
人爲運斤

主亦未解

對中外開闢... 高... 小...

平

劔南詩卷第七十四

劔南詩彙目錄

卷第七十五

自警 春雨

春寒

自喜

二首

簡湖中

隱者

短歌示諸稚

王子猷謂竹爲此

君白樂天謂酒爲此君子野處無客每對

竹獨酌得小詩

會稽行

野飲

作野

飲詩後一日復作此篇反之

春晴

二首

遣興

二首

開歲屢作雨不成正月二十六

日夜乃得雨明日行家圃有賦  
書屋壁

二首 與兒孫同舟泛湖至西山旁憩酒家

遂遊任氏茅菴而歸  
日暮自大滙村歸

八十四吟  
晚步至湖上  
春陰  
題

野店壁  
題寺壁  
題幽居壁  
二首 思曩

州  
二首 梅開絕晚有感  
二首 園中晚飯示

兒子  
自詰  
野飲  
茆亭  
身世  
家

有兩瓢分貯酒藥出則使一童負之戲賦

五字句  
禹寺  
旅遊  
二首 貧歎  
東窗

四首 近村  
石帆山下作  
旦起  
二首 書

況  
閒中戲賦村落景物  
二首 予好把酒

常以小戶為苦戲述  
春日對花有感

出遊遇雨而返  
二首 記閒  
二首 感  
題柴

言山水  
四首 草亭獨坐  
修居室賦詩自

警  
遜迹  
春晴登小臺  
魯墟舟中作

貧病戲書  
二首 又作二首自解  
挾書

一卷至湖上戲作謝客相過書幸

書歎古興二首各五韻病中有述二

首各五韻黃鴉吟恩封渭南伯唐詩

人趙嘏為渭南尉當時為之趙渭南後來

將以予為陸渭南乎戲作長句幽居

肩輿至湖桑埭半俸自戊辰二月置不

復言作絕句二頭風戲作茆魚畊

桑春遊四蔬飯海棠歌園中作

書意三晚春二



劍南詩彙目錄

卷七  
五終

劍南詩彙卷第七十五

自警

生世如夢境淹速無定止  
壯不可恃況汝迫  
耄期五官及百骸自揣日益衰  
客來能送迎要  
是強支持百口皆新人  
所至無舊知紹興同朝  
者歸地靡復遺雖云窮耐久  
造物豈汝私餘日  
真幾何得酒且伸眉

春劍春雨

劍南詩彙

卷之七五

及古

春陰不肯晴  
春雨斷行人  
慘澹柴荆色  
蕭條雞犬聲  
香分豆子粥  
美啜芋魁羹  
猶勝梁州路  
蒙羶夜下程

春寒

冉冉年華過  
上元梅花如雪照  
江村雲歸翠竇

初收雨人怕清寒  
嬾出門香燼已殘  
爐未冷客

談方劇酒重溫  
尚嫌塵境妨幽致  
過埭船聲莫

正喧

湖桑埭去  
繁廬里許

自喜

了了復惺惺  
著龜未是靈  
閒中有富貴  
壽外更

康寧身備鄉三  
老家傳子一  
經春回元不記出

戶四山青

今語又美  
斯真  
曾  
或  
情  
端  
四  
公  
辯  
問  
黃  
或  
兩

身寄人間世  
心常古鏡如  
喚醒狂蝶夢  
掃盡老

狐書年出鄉  
閭右貧過仕  
宦初村村是  
桃李豈

獨愛吾廬

簡湖中隱者

夫子終年醉不醒若爲問我故叮寧書因遣僕  
馱黃蘗詩許登山斲茯苓疇咎但知悲驥老卽  
今誰不羨鴻冥清宵定計敲門否擬問黃庭兩

卷經山青

東寧短歌示諸稚

流年去不還老狀來無那雖甚顏原貧尙勝夷  
齊餓再歸又六年疲馬欣解馱姑幸筮轡空敢

復菴豆莖好山嬾出遊敗屋得偃臥飢能儲粟  
盜病亦有藥裹洒蟻溢幡罌茗雪落小礮香火  
失惰偷編簡謹程課豈惟洗幻妄亦以起衰懦  
向來名宦事回首如棄唾義理開諸孫閔閔待  
其大賢愚未易知尙冀得一个如其盡爲農亦  
未可吊賀歸耕豈不佳努力求寡過

亦同王子猷謂竹爲此君白樂天謂酒爲此君  
濂翁余野處無客每對竹獨酌得小詩無車

新種疎篁對小軒  
旋沽薄酒實空尊  
門無車轍亦何恨  
有此兩君堪與言

未可會稽行

我欲遊蓬壺  
安得身插羽  
我欲隱嵩華  
歎息非吾土  
會稽多名山  
開跡自往古  
豈惟頌刻秦  
乃有廟祀禹  
山形舞鸞鳳  
泉脉流湏乳  
家家富水竹  
處處生蘭杜  
方舟泛曹娥  
健席拂天姥  
朱樓入煙霄  
白堦臨雲雨  
脩梁看龍化  
遺箭遣鶴取

茶薜可作經  
楊梅亦著譜  
湖箬山蕨輩  
一一難遽數  
終年遊不厭  
冰玉生肺腑  
誦詩有樵童  
乞字到俚姬  
况復青青衿  
盛不減鄒魯  
古詩三千篇  
安知闕吳楚  
土風聊補亡  
吾言豈夸詡

### 野飲

春雨行路難  
春寒客衣薄  
客衣薄尚可  
泥深畏驢弱  
溪橋有孤店  
村酒亦可酌  
鳧茈小甌炊  
丹柿青篾絡  
人生憂患窟  
駭機日夜作  
野飲君勿

輕名宦無此樂

作野飲詩後一日復作此篇反之

世事如海沙巧曆不能數身居憂患中殆若墮  
穿虎又如住敗屋岌岌日撐拄中夜風雨至摧  
壓固其所孰能知其然徒義以爲主要于一念  
間不敢欺仰俯兢兢日三省寧可自莽鹵君看  
管先師乃媿不若禹

春晴

雨斷雲歸兩作晴夕陽鼓角動高城客愁正得  
酒排去草色直疑煙染成鸞爲風和初命友鷗  
緣水長欲尋盟不須苦問春深淺陌上吹簫已  
賣餽

又

常年春日少春晴拂面今朝暎吹輕小閣家家  
橫小舫園亭處處聽新鸞桃花不管詩人老菖  
葉空催野叟畊自笑此生餘幾許銅駝荆棘尙

關情

遣興

莫笑龜堂礪魄胸此中元可貯  
虛空尚饒靈運先成佛那計  
辛毗不作公采藥偶逢丹井  
客買簑因過玉霄翁不須更  
問歸何許散髮飄然萬里風

又

我是仙蓬舊主人一生常得自由身  
退歸自合

稱山長變化猶應侍帝晨得酒不妨開口笑  
學人難作捧心顰塵中且復隨緣住又見湖邊草木新

開歲屢作雨不成正月二十六日夜乃得  
常暘雨明日行家圃有賦

東風催雨破天擘行圃婦來剝解顏百草吹香  
蝴蝶鬧一溪漲綠鷺鷥閒老來每歎論心少貧  
甚方知覓醉難猶賴籃輿無恙在呼兒結束入

南山映負輞轡餘  
 築室鏡湖濱于今四十春  
 放生魚自樂施食鳥  
 常馴土潤觀鋤藥燈清  
 論養真桃源處處有不  
 獨武陵人

木溪又

鳥道經行穩巢居臥起寬  
 鹿衣栽短褐龜屋製危冠  
 舊慕嵇中散今師靖長官  
 蛟龍雲雨上未

必勝泥蟠

味平與兒孫同舟泛湖至  
 西山旁憩酒家遂遊  
 八十任氏茅菴而歸

過埭維舟古柳根却扶拄杖入煙村  
 印泥接迹牛羊過投宿爭林鳥雀喧  
 酒保殷勤邀滄茗道翁偃僂出迎門  
 郊居不與人間事惟有畊桑得

細論

晉興日算自大滙村歸

初南詩集

卷之七五

及古

筍輿伊軋莫山昏水敗陂塘路僅存出谷鐘聲  
知過寺隔林人語喜逢村廟堧荒寂新犁地堤  
草淒迷舊燒痕兒子念翁霜露冷遙持炬火出  
柴門  
八十仍逾四遲畱未告行筮言災退散醫賀脉  
和平畊牧猶能力癡頑每自驚所嗟經學廢心  
媿濟南生

晚步至湖上

柴車無與駕蓬艇亦須人賴有拄杖子能扶羸  
病身雲山翠屏合煙月玉鈎新蕭散湖塘路微  
風吹葛巾

春陰

窗昏不見字今日罷觀書迹寄浮生內心遊曠  
劫初太山均蟻垤聖域亦遽廬兀坐還成倦荒  
畦去荷鋤



題野店壁

斷橐投衣橐殘壺挂馬鞍寺荒尋店久橋敗涉  
溪寒道里逢人問題名拂壁看平生慣行役隨  
處得加餐

題寺壁

菴居渾似罷參僧除却癡憨百不能意倦有時  
憑曲几興來隨處曳枯藤雲山直去寧須伴蘚  
磴高攀不計層聞道鼉鳴天欲雨松門小住看

雲興

題幽居壁

青山四抱路盤紆天與先生卜草廬雲冷數聲  
聞斷雁溪清百尺見遊魚新醪薄薄閒尋醉殘  
髮蕭蕭悶憶梳莫謂躬耕便無事百年京洛尚  
丘墟

又

聲利場中偶解圍悠然高枕謝招揮山前曳杖

劍南詩集 九  
尋僧去林下收碁送客歸城市氛埃那許到比鄰  
煙火自相依纓冠束帶前身事散髮今惟勃  
落衣

思葭州

老來百念盡消磨無奈雲安入夢何壯憶公孫  
劔器舞愁思賓客竹枝歌

又

武侯八陣孫吳法工部十詩韶護音遺蹟故祠

春草合略無人解兩公心

梅開絕晚有感

年年踏雪探梅開二月今年始見梅從此逢春  
心轉嬾小詩不擬覓花栽

又

尋梅不負雪中期醉倒猶須插一枝莫諱衰遲  
殺風景卷中今歲欠梅詩

園中晚飯示兒子

一飽何心慕萬鍾小園父子自相從  
蚍蜉布陣雨將作蛺蝶成團春已濃  
澗底束薪供晚爨街頭糴米續晨春  
盤餐莫恨無兼味自繞荒畦摘芥菘

自詰

修行力量淺觸事常寡悰端居本無事  
奈此百憂攻今晨默自詰世豈不汝容  
漱濯臨清流歎歌蔭長松緩步有夷途  
遠眺多奇峯野叟時相尋村酒亦自釀  
于道忽少進一埽芥蒂胸轅釜本常情  
寧說飯後鐘

野飲

農事未興息一笑春薺可采魚可釣  
霏霏小雨忽已晴堤上相攜踏殘照  
村場酒薄亦有力把醞相娛不辭醺  
眼花耳熱言語多霍然已醒如過燒  
人生百年會有盡世事萬變誰能料  
酒空人散寂無聲爲君試作蘇門嘯

茆亭

讀罷楞伽四卷經其餘終日坐茆亭靜聽溪碓  
春雲母細斲松根采茯苓大道粗嘗聞海若高  
情未至媿山靈寒泉新滌甘于乳晨起何妨挈  
半瓶

身世

身世飄然似斷雲時人誤許與斯文旋償碑債  
動千里強理詩情無一分子美舊悲殘酒炙幼

安今老白襦裙餘生自喜渾無事清夜銅爐炷  
寶熏

家有兩瓢分貯酒藥出則使一童負之戲  
賦五字句

長物消磨盡猶存兩大瓢藥能扶困憊酒可沃  
枯焦童負來山店人看度野橋画工殊好事傳  
寫入生綃

禹寺

金剛詩集 十一  
十二  
湯古閣  
禹寺荒殘鐘鼓在我來又見物華新紹興年上  
曾題壁觀者多疑自古人

旅遊

壯志蹉跎雪滿頭久將餘日付滄洲閒雲不入  
老人夢隣笛似知孤客愁小築聊須傍蘭渚片  
帆那復到樟樓生涯草草真堪笑三十年來一  
破裘

又

本自無心落市朝不妨隨處狎漁樵螺青點出  
算山色石綠染成春浦潮縣驛下時人語鬧寺  
樓倚處客魂消流年不貸君知否素扇團團又  
可搖

貧歎

貧到今年極蕭然四壁家弊袍生蟣蝨粗飯雜  
泥沙浩浩乾坤大茫茫歲月賒故鄉煙水窟別  
擬卜生涯

東窗

九折危途寸步艱至今回首尚心寒  
元來自有安身處茆屋三間似海寬

又

才薄常爲世俗輕還山力不給躬耕  
卽今贏得都無事袖手東窗聽雨聲

又

俗事紛紛意不攄兀如頭垢念爬梳  
東窗且復

焚香坐閒看微雲自卷舒

又

寂寂東窗午夢殘更堪春雨作春寒  
蠻童未報煎茶熟一卷南華枕上看

近村

家居每思出出亦無與遊江山豈不佳  
乃復生我愁不如適近村家家業農疇  
深巷鳴雞犬長陂下羊牛棗熟稻當獲  
桑落酒可芻寧無賓祭

須柿栗良易求醫翁曰過門得藥疾自瘳婚嫁  
不出村百世加綢繆我來每絕歎恨不終歲畱  
人生正應爾底事須王侯

石帆山下作

石帆山下古苔磯回首人間萬事非能飲上池  
何患死不營尺宅欲安歸寒龜瑟縮搯床老倦  
鶴翩遷帶箭飛堪笑年來殊省事就憑樵女綻  
春衣

旦起

殘燈冷火待窗明稍覺今朝病體輕已賴林鳩  
知宿雨更煩簷鵲報新晴

又

地爐晨起撥寒灰困睫濛濛尚嬾開正倚蒲團  
覓殘夢一聲啼鳥又驚回

書況

自從請老鏡湖濱萬事不關林下人鴉去鴉歸

還過日花開花落又經春官微也過千重浪身  
在依然一幅巾晨突有煙吾事了濁醪不復惱

比鄰

閒中戲賦村落景物

遊宦才能薄還山日月長買牛捐寶劍取酒解  
金章泉脉疏僕啜松肪煉按方北窗貪兀傲南  
陌喜彷徨僧過傳著法醫來寄藥囊泛舟經姥  
廟策蹇上僮塘嬾似嵇中散癡如顧長康人間

須掃迹隨處是羊腸

姥廟僮塘皆湖上地名

又

覆篠初成屋編荆旋作門孤雲生釣瀨微雨過

棊軒柳種來傍縣

族子爲取柳本于餘姚茅氏

花栽乞近村

石欹聊可坐地褊不成園酒榼剗楓瘦香爐斷  
竹根海鷗呼可下隴鳥教能言搏飯迎雙鶴聯  
緇繫小猿山家雖寂莫隨事有盤飧  
予好把酒常以小戶爲苦戲述



我非惡旨酒好飲而不能方其臨觴時直欲舉  
斗升若有物制之合龠已不勝豈獨觀者笑心  
亦甚自憎正如疾逆虜憤切常橫膺蹭蹬忽衰  
老何由効先登上天無長梯繫日無長繩可歎  
固非一壯志空飛騰

春日對花有感

天天枝頭花鬱鬱地上草方春萬物遂我乃獨  
衰槁少時喜方藥晚亦學黃老又非愛名宦壯  
歲迹已埽如何過八十尚復未聞道偃行阡陌  
間齒搖而髮縞名山可巢居決去恨不早宴坐  
精息牀猶能養梨棗

出遊遇雨而返

柴門方出雨霏霏未到湖邊促駕歸深炷爐香  
掩屏臥誰知不爲溼春衣

又

荒山前頭野水邊東行西行不自憐天公豈亦

哀老子風雨畱教終日眠

記閒

白雲堆裏看青山猿鳥爲隣日往還黃綺後身  
應我是再來依舊一生閒

二感

狸奴睡被中鼠橫若不聞殘我架上書禍乃及  
斯文乾鵲下屋簷鳴噪不待晨但爲得食計何  
曾問行人情得暎而安飢得飽而馴汝計則善

矣我憂難具陳

題柴言山水

陰陰山木合幽處著柴荆喧中有靜意水車終

日鳴

春

又

懸水三十仞疾雷聞數里正暑凜生秋倚杖者

誰子

夏

高秋風雨天幽居詩酒地君看此氣象其可折  
簡致秋

又

草亭臨峭絕霜嶂起嶙峋危磴儻可上老夫息

卜鄰冬

草亭獨坐

埽地垂簾坐草亭東風吹頰醉初醒睡蛇死後  
魔無力疾豎降來藥有靈在手殘梅香淡泊傷

檐幽鳥語叮嚀老人不是神通妙世事元來要  
飽經

修居室賦詩自警

荒園二三畝敗屋八九間初至如逆旅忽逾四  
十年屋日已朽蠹我老不自還茅可刈之野木  
可伐之山尚復不能具日夜憂其顛況我虛幻  
身念念隨化遷齒墮髮亦縞鏡中失朱顏其危  
甚于屋何恃能牢堅豐汝梨與棗養汝汞與鉛

防疾如待敵。愛氣如守關。謀于履霜初。懼在橫  
流前。書紳銘席端。雖老尚可全。

遯迹

遯迹荒村慣。忍貧秋毫不使喪。其真家居亦以  
古爲鑑。事過始知天勝人。臨食致息方下箸。讀  
書有得每書紳。放翁耄矣當知幸。布褐藜羹畢  
此身。

春晴登小臺

不管筇枝破綠苔。閒穿萬竹上荒臺。幽花經雨  
自開落。啼鳥喜晴時。去來河岸家家裝彩舫。兒  
曹處處唱青梅。誰家老子癡頑甚。看改新元十  
一回。

魯墟舟中作

春浦南來元不到。画橈偶復入鷗羣。人家遠火  
林間見。船底微波枕上聞。山口正銜初出月。渡  
頭未散欲歸雲。錦囊詩草新寥落。得句猶堪寄

一欣

貧病戲書

得米還憂無束薪今年真欲甌生塵  
推奴跣婢皆辭去始覺盧仝未苦貧

又

頭痛涔涔齒動搖醫驕折簡不能招  
亦知客疾無根柢少健還能起負樵

又作二首自解

盡日溪邊艇子斜治生不種邵平瓜  
已分鄰舍紅蓮米更啜僧房紫筍茶

又

靈府安平四體和經時止酒頰常酡  
老生要是常談爾吐納餘閒卽按摩

挾書一卷至湖上戲作

買地孤村結草廬蕭然身世落樵漁  
一編在手君無怪曾典蓬山四庫書

謝客相過

我力日愈衰人事不敢倡窮巷春多泥何以稅  
客鞅諸君顧何取勤儉問亡恙賦詩代尺書跂  
望徒悵悵

書幸

土盜常餘菜山庖不絕煙罷醫翻少疾無術自  
長年小舫煙波宅閒身陸地仙東窗最佳處日  
對坐忘編

書歎

髡髻承學紹興前歷看人間七十年撲滿終歸  
棄道側鴟夷猶得載車邊釣舫夜泛吳江月醉  
眼秋看楚澤天造物未容書鬼錄殘春又藉落  
花眠

古興二首各五韻

草衰何預人每起徂年悲日月纔幾何又見青  
青時青青雖滿眼行矣當復衰盛衰還其端其

理可前知人生死則已千載無還期

又

月出橫林上宿鳥無定枝物生各畏禍所託輒  
蹈危老人倚壁坐大鼯驚羣兒雖云差自適見  
事亦太遲猶有一可喜永謝世俗羈

病中有述二首各五韻

萬事有常理中智皆能知禍福如白黑不待諏  
著龜疾患初萌芽未有旦夕危每能自省察百

鬼安能窺一息生百疾速死乃自詒

又

爲國恃久安變起最莫測釋楚爲外懼此實計  
之得吾儕學養生事事當自克老無聲色娛戒  
懼在飲食要須銘盤盂下箸如對敵

養生要語

黃鴉吟

嗟哉黃鴉一何陋性喜隱翳藏荒園煙深翅重  
飛不起鳴聲穀穀知雨候夜與妖鵬羣又似惡

白晝羽毛不足辱彈射滋味不足登俎豆捕之  
既無用鬻之又不售譬之人以支離而全木以  
擁腫而壽若予者智不能知農圃學不能舉孝  
秀名不譁世動得嘲詬是亦天下不材之尤尚  
何議乎汝後

思封渭南伯唐詩人趙嘏爲渭南尉當時  
謂之趙渭南後來將以予爲陸渭南乎戲  
作長句

老向人間久倦遊君恩乞與渭川秋虛名定作  
陳驚坐好句真慙趙倚樓棧豆十年霑病馬煙  
波萬里著浮鷗就封他日輕裘去應過三峰處  
處畱

幽居

宿志在人外清心游物初猶輕天上福那習世  
間書薺菜挑供麩槐芽采作菹朝晡兩摩腹未  
可笑幽居



肩輿至湖桑埭

籃輿隨意出衡門日已沉山野未昏小市鼓祠  
 湖上路短垣高柳埭西村麥苗極目無閒土塘  
 水平堤失舊痕明詔裕民間屢下老農何以報  
 君恩

半俸自戊辰二月置不復言作絕句

力請還山又幾年何功月費水衡錢君恩深厚  
 猶慙懼敢向他人更乞鄰

又

俸券新同廢紙收迎賓僅有一絕裘日鋤幽圃  
 君無笑猶勝牆東學僧牛

頭風戲作

出門處處皆桃李我獨呻吟一室中只道有詩  
 毆瘧鬼誰知無檄愈頭風

茅齋

茆齋雖絕小老子策新勛磴落霏霏雪爐香裊

白雲心將鷗共遠巢與鶴中分幾許人間事吾  
廬寂不聞

老病雖俱至畊桑亦未遲兒童誇犢健婦女閔  
蚕飢月落梟鳴夜燈殘鼠齧時但當尋熟睡萬  
事不須思

春遊

方舟衝破湖波綠聯騎蹋殘花徑紅七十年間

人換盡放翁依舊醉春風

子年十四始到禹祠  
龍瑞今七十一年矣

又

熟睡從來少天色東吳況是足春寒城南藉草  
可痛飲安得酒腸如海寬

蘭亭路上換春衣梅市橋邊送夕暉聞有水仙  
翁是否輕舟如葉槳如飛

沈家園裏花如錦半是當年識放翁也信美人  
終作土不堪幽夢大匆匆

蔬飯

春事已闌珊山村未褪寒筍生初入饌薺老尚  
登槃僧飯時分鉢園蔬不仰官枯腸更禁攪姑  
置密雲團

海棠歌

我初入蜀鬢未霜南充樊亭看海棠當時已謂  
目未覩豈知更有碧雞坊碧雞海棠天下絕枝  
枝似染猩猩血蜀姬豔粧肯讓人花前頓覺無  
顏色扁舟東下八千里桃李真成僕奴爾若使  
海棠根可移揚州芍藥應羞死風雨春殘杜鵑  
哭夜夜寒衾夢還蜀何從乞得不死方更看千  
年未爲足

燕園中作

湖曲舊誅茆松陰近結巢安閒多睡熟衰退少

新交雨漬丁香結春生豆寇梢良辰不把酒新  
燕解相嘲

書意

整書拂几當閒嬉時取曾孫竹馬騎故故小勞  
君會否戶樞流水即吾師

又

人生祇要常無事忿欲紛紛喜見侵贈子祕傳  
安樂法秋毫莫遣動吾心

又

籬角緋桃落漸稀晚風吹去點苔磯揮金豈必  
如疎傳二畝春秧也是歸

晚春

世事紛紛不足論流年去似海濤翻莫因齒髮  
悲殘景且喜荆扉是故園千里桑麻無曠土數  
家雞犬自成村鄰翁過我誇秧信雨後春泥一  
尺渾

又

莫笑花前醉墮巾  
放翁又看一年春  
尋巢燕熟頻穿戶  
釀蜜蜂喧不避人  
楚廟恙豚初散社  
稽山筍蕨正嘗新  
要知不負年光處  
南陌東阡自在身

劍南詩彙卷第七十五

劍南詩彙目錄  
卷第七十六

湖上 卽事 東籬雜書首四 山行 稻

陂 雨夜息子虞 醉中示客 散髮

病中觀辛夷花 小艇 雜題首四 閒遊

病起初夏 衡門獨立 雨夜 山麓

北壘 禽言首四 道院偶述首二 初夏

書感 贈邢芻甫 笱從戎南鄭日 范西

叔爲予書小臥屏今三十有八年矣悵然

有懷 小雨 遣興二首 初夏喜事二首 夢

蜀 閒遊二首 初夏二首 野興二首 自笑

喜晴 過鄰曲 題蘇虞叟巖壑隱居

縱筆二首 北窗卽事二首 感物 園中

把酒示鄰曲二首 書憂 門外獨立 感

事六言八首 幽居記今昔事十首以詩書

從宿好林園無俗情爲韵 喜雨 初夏

雜興六首 對酒作 獨坐閒詠二首 水亭

二首 書興 書感二首 暑雨二首 池亭夏

書二首 頃歲從南鄭屢往來興鳳間暇日

追懷舊遊有賦 埽除小園未竟歸臥

暑中北窗晝臥有作 驕懷 自貽四首

劍南詩彙目錄

卷七  
六終

劍南詩彙卷第七十六

湖上

綸巾羽扇影翩翩湖上徜徉莫計年  
桃李已忘疇昔分禽魚猶結後來緣  
山前虛市初多筍江外人家不禁煙  
莫恨幽情無與共一雙白鷺導吾前

卽事

成敗歸青史悲驩付浩歌  
病從今歲減詩比去

春多高枕觀浮世持盃養太和功名亦易爾難負此漁簑

東籬雜書

芳草初侵路青梅已破枝雨來鳩逐婦日出雉求雌莽莽江湖遠悠悠歲月移老人觀物化隱几獨多時

又

桃李成塵土來禽始著花病夫猶枕上春事又

天涯巷陌鞦韆夢簾櫳燕子家野僧來問詢強把半甌茶

又

老厭人間事閒知造物功草生三徑綠花發一窗紅幽境囂塵外流年嘯傲中所嗟儕輩盡論舊只春風

又

身與春俱老愁隨日漸長簾櫳聽語燕澗谷擷



幽芳酒榼常從後、詩囊亦在傍、閒行無定處、隨意據胡床

山行

山鳥啼孤戍、煙蕪入廢亭、隄成陂水白、雨細稻秧青、草市少行旅、輦祠多乞靈、最憐投宿處、微火算晶熒

稻陂

白水滿稻陂、投種未三宿、新秧出水面、已作纖纖綠、年來殘俸絕、所望在一熟、見之喜欲舞、不復憂半菽、想當西成時、載重壓車軸、病齒幸已牢、往矣分社肉

雨夜息子虞

兀兀過遙夜、悠悠擁破衾、峭寒侵病骨、殘雨滴愁心、人別易千里、書來真萬金、醉眠差似可、誰與伴孤斟

醉中示客

初月詩集

卷之七六

及古閣

四座無譁聽我歌百年生計一煙蓑清尊漱漱  
猶狂在白髮蕭蕭奈老何遠適安能縮地脉高  
眠聊足養天和吾徒看盡人間事莫愛車前印  
幾窠

散髮思千死

散髮垂肩嬾更簪一窗竹水對蕭森從來恥作  
資身策老去終懷報國心雷起鼻端秋枕石泉  
鳴指下夜橫琴不緣羸病愁迎客經歲何人肯

見臨

病中觀辛夷花

餘生垂九十一病理一衰旬月不自保敢作期  
歲期粲粲女郎花忽滿庭前枝繁華雖少減高  
雅亦足奇持盃酌花前事亦未可知明年儻未  
死一笑當解頤

小艇

放翁小艇輕如葉只載蓑衣不載家清曉長歌

何處去武陵溪上看桃花

雜題

賀公在朝雅吳語莊舄仕楚猶越吟我幸歸休  
在閭巷燈前感慨不須深

又

茆屋三間已太奢柴乾米白喜無涯非賢敢竊  
優賢祿願折尊絲與蕨芽

半俸自春初  
不復敢請

又

野花紅碧自爭春村酒酸甜也醉人解放船頭  
便千里不愁無處著閒身

又

湖隄疎瘦水楊柳村舍殷紅山石榴推戶本來  
隨意入乞漿因得片時畱

閒遊

柴車去去度橫陂正是春殘入夏時果熟多藏  
新密葉鸞啼偏占最高枝迷途每就傭畊問薄

飯時從逆旅炊隨意題詩無傑息還家猶足詫

吾兒

病起初夏

頭風間作已全輕山雨雖頻却快晴窗外時時  
度花片林梢處處送鶯聲地偏無客談閒事麥  
熟逢人樂太平不為衰遲辜節物一甌半駱薦

朱櫻

衡門獨立

可画

春歸堪笑又怱怱水白秧青細雨濛溪鳥低飛  
画橋外路人相值綠陰中宋清藥券貧來積李  
賀詩囊病後空惟有劇談能一洗芳尊那得故  
人同

雨夜

吳中地多雨海角客常愁羸疾須醫藥殘年憶  
輩流解裝孤驛晚振柁小江秋莫起瀟湘興無  
才賦遠遊

山麓

草合路如線偶隨樵子行林間遇磐石少憩看  
春畊

北叅

質衣葺北叅欹壞略撐拄窗扉則虛名聊足度  
寒暑獨學無與論推覈實勞苦審觀古人意十  
亦得四五無功與子光相可豈待語一床寬有  
餘高臥聽簷雨

禽言

架犁架犁南村北村雨淒淒夜起飯牛雞未啼  
日暮矻矻行千畦沒足勿恨一尺泥西成收薄  
汝噬臍架犁

燕譽又

拔筍拔筍入箐不辭風雨窘養成會見高拂雲  
取供口腹初不忍獨持兩把慰倚門慈顏一笑

如春溫

拔筍

吹春又

述

老翁老尚健打麥持作飯終歲隴畝間勞苦孰  
敢怨人生為農最可願得飽正如持左券確春

樵爨小甌香豈不勝汝耗太倉

打麥作飯

又

堂前捉績子力作忘朝餐鵝黃雪白相照耀插  
茅作簇高如山蠶女採桑至煮繭何暇膏沐梳  
髻鬟纒成蜀錦與楚縠舞妹纏頭不論束

堂前捉績

子

筆道院偶述

景德祥符草野臣登封曾望屬車塵已經成住  
壤空劫猶是東西南北人

又

憶在青城煉大丹丹成垂欲上仙班飄零未忍  
塵中老猶待時平隱華山

春與初夏書感

初月詩集

卷之七六

及古閣

春與人俱老花隨夢已空  
遊蜂黏落蕊輕燕接  
飛蟲桑悴知蚕起  
牲肥賽麥豐為農當自力  
相戒勿怱怱

贈邢芻甫

割愁何處有并刀  
傾座誰能奪錦袍  
堪笑陸翁隣鬼錄  
尚推邢友擅人豪  
杜門雖少客載洒落  
筆已能奴命騷  
安得相從北窗下  
丐君臍馥與殘膏

管從戎南鄭日  
范西叔為予書小臥屏今

三十有八年矣  
悵然有懷

梁州風月今何在  
每憶朋儔淚濺裾  
戎幙已如它世事  
素屏猶對故人書

小雨

川雲疊疊密如鱗  
山雨霏霏細似塵  
未必便為畊隴喜  
天公分付與詩人

山翠遺興  
門窗窺莫中  
風雨常

山澤荒寒外門庭寂莫中厭聞鳩喚雨常羨鵲  
知風逆境嗟行徧聞愁幸埽空今晨有奇事簫  
鼓賽年豐密吹鱸山雨霽霽時以望未必與

又雨

風月資吟嘯漁樵約往還貧猶能釀酒病不廢  
遊山亂石臥牛馬流泉鳴珮環豁除羈旅日猶  
有半生閒

初夏喜事

箕穎元非爭奪場瀟湘自古水雲鄉采茶歌裏  
春光老煮繭香中夏景長斂版早知遊宦惡署  
門晚悟世情常茹芝却粒雖無術散髮猶當効  
楚狂

夢蜀

自計前生定蜀人錦官來往九經春堆盤丙穴  
魚腴美下箸峨眉枿脯珍聯騎雋遊非復管數  
編殘橐尚如新最憐栩栩西窗夢路入青衣不



問津

閒遊

一見溪山病眼開  
青鞵處處蹋蒼苔  
平生長物埽除盡  
猶帶筆床茶竈來

又

好事湖邊賣酒家  
杖頭錢盡慣曾賒  
壚邊爛醉眠經日  
開過紅薇一架花

初夏

床有蒲團坐負牆  
室無童子自燒香  
人圖作佛雖堪笑  
我愛逃禪亦太狂  
櫻筍久忘晨入省  
蓴鱸猶喜老還鄉  
汗青未絕茶經筆  
那暇投文吊戰場

又

梅子生仁已帶酸  
練花墮地尚微寒  
室無長物惟空榻  
頭不加巾但小冠  
蚕簇倚牆絲盡起  
稻秧經雨水陂寬  
郊原清潤身差健  
剡欲閒遊一

跨鞍

野興

東望城闔十里遙。野人生計日蕭條。棊枰棄置  
機心息。肉食蠲除業境消。送藥時時過鄰父。放  
魚日日度溪橋。自憐愛物還成癖。門巷春來草  
沒腰。

又

涉澗穿林信意行。翠崖朱棧愜幽情。關關幽鳥  
將雛語。簌簌幽篁解籜聲。籍草一壺消永日。出  
門幾屐了平生。川雲正作遮山計。浩蕩南風又  
快晴。

自笑

宦途咎似伏轅駒。退處今如縱壑魚。手自埽除  
松菊徑。身常枕籍老莊書。郊居本自依農圃。社  
飲何妨逐里閭。白髮蕭然還自笑。風流猶見過  
江初。

正厭鳩呼雨

俄聞鵲噪晴路開知潦退書展喜

窗明日透疎簾影風傳算角聲兒童競相報門

有賣朱櫻

過鄰曲

黃雲卷盡綠針齊夏木陰陰滿古堤耆老往來

無負戴比鄰問道有提攜暑天漸近便餐酪吳

俗相傳尚鱸菴共喜豐年多樂事扶歸先判醉

如泥

題蘇虞叟巖壑隱居

蘇子飄然古勝流平生高興在滄洲千巖萬壑

舊卜築一馬二僮時出遊香斷鐘殘僧閣晚鯨

吞鼉作海天秋極知處處多奇語肯草吳牋寄

我不

縱筆

騎鶴翩翩過月傍浩然風露九秋涼忽聞捲地

潮聲起始覺江山近故鄉

又

百尺松根結茯苓千年長養似人形誰知金鼎  
烹初熟恰直山翁醉欲醒

北窗卽事

衡茅隨力葺幽居埽地焚香樂有餘分食時能  
下檐鵲作洲常悔誑池魚遊滸又失相尋客睡  
起重開未了書袖手悠然便終日不辭世俗笑

迂疎

又

北窗寂與嬾相宜世上紛紛了不知露井甘寒  
初浚後小山蔥蒨乍晴時粗餐豈復須鮭菜蓬  
戶何曾設屢屢幸有床頭藤杖在登臨未遽歎  
吾衰

感物

提壺勸客飲架犁課農畊鳩方喜婦還蟻又以

族行大化職雨暘我窗更晦明芸芸觀萬物一  
笑了此生

園中把酒示鄰曲

畏途半世困風波老返家山得已多野餉雖無  
食指動村醅也解醉顏酡夢殘正欲還君枕棊  
罷那知爛客柯松菊未荒風月在應容老子且  
婆娑

又

煮豆烹蔬當果毅固應盃酌盡陶匏池塘漱漱  
荷浮葉門巷陰陰筍放梢三畝荒園存故業一  
編蠹簡得深交弊廬經雨穿將徧欲向村東自  
割茅

書憂

時人應怪我何求白盡從來未白頭磅礪崑崙  
三萬里不知何地可羶憂

門外獨立

初有詩憂

卷之七六

及古蜀

朝看出市算看歸數盡行人尚倚扉要見先生  
無盡興少須高樹挂殘暉

感事六言

老去轉無飽計醉來暫豁憂端雙鬢多年作雪  
寸心至死無丹

又

黑犢養來純白睡蛇死後安眠但有漉籬可賣  
不妨到處隨緣

又

五尺童知大義三家市有公言但使一眠得熟  
自餘萬事寧論

又

麥熟與人同喜虜驕爲國私憂身似五更春夢  
家如一宿山郵

又

早歲已歸南陌算年常在東籬短衣幸能掩脛

長劍何須挂頤

又

高岸眼看爲谷寸根手種成陰一卷楚騷細讀  
數行晉帖閒臨

又

李白嶽崎歷落嵇康潦倒粗疎生世當行所樂  
巢山喜遂吾初

又

有飯那思肉味安居敢厭茅茨未論顏淵陋巷  
老農自是吾師

幽居記今答事十首以詩書從宿好林園  
無俗情爲韻

總角入家塾學經至幽詩治道本畊桑此理在  
不疑今茲垂九十謝事居海涯戴星理農業未  
歎筋力衰四月築麥場五月瀦稻陂秉火去螟  
蝗磨刀剪棘茨西成大作社歌鼓樂聖時

又

上世本爲農輟耕業詩書我少學不成  
固應返其初冥冥不自揣鄉校參羣居  
中歲偶拔擢清班久趨趨典奏入南宮  
細書長石渠及其乞身歸舊業已丘墟  
衰疾或小間力尙給荷鋤寄聲謝故人  
毋爲笑迂疎

又

我笱揮短楫終年釣吳松亦嘗攜長鑿  
采藥玉霄峰爲計晚大繆朝路偶見容  
晨趨大明班夜聽長樂鐘白髮迫歸休  
居然鮮歡悰上恩許乞骸一日收孤蹤  
蓬茅略補葺甑碓勤炊春故交零落盡  
歲晚當誰從

又

還鄉老未死舉目少耆宿邑屋亦或非  
所餘但喬木曩時列鼎家今不飽半菽  
盛衰迭變遷何者非陵谷羸然九十翁  
世故見已熟偶能達一



理萬事等破竹布縫一襦衣藜煮半釜粥餘年  
更何爲枕藉糟與麴

又

癸亥辭脩門拜賜散人號一出非本心歡喜歸  
祭竈故鄉多名山幸得遂所好舟輿雖難具信  
步亦可到清溪無塵滓奇峯有雲冒雨墊林宗  
巾風落孟嘉帽豈惟狂故在望遠亦未眊一醉  
儻可謀敢愛將軍告

又

入蜀過匡廬秋風宿東林月出斷山口滿窗松  
竹陰裊裊一枝燭道人語夜深亦設麩果供慰  
此羈旅心猶恨非遠公無酒遣我斟明日下山  
去歎息難重尋回首四十年駒隙何駸駸舊遊  
不可到悵望空長吟

又

笈戍西郵時憑高望中原願欲乘天風往吊綺

與園有志莫能遂  
悵望商山魂遙想  
山中入歲時奠芳  
蓀夕陽簫鼓散高  
柳擁廟門老來更  
事多考古見本根  
乃知當時事禍福未  
易言千載信悠悠  
浩歎掩綠尊  
四十年歸則何疑  
題書於此  
出濤又  
心餘  
非  
公  
無  
幽  
靜  
六  
樹  
四  
日  
下  
山  
客舟挂煙帆  
千里過楚都  
七澤渺無際  
大不數具區浪  
翻出長蛟雲  
折浮天吳  
峩峩來如山  
碎舩不須更  
江行幸已盡  
三峽尤畏途  
槎牙人鱉  
瓮小失卽見  
屠叩頭禱鬼神  
已脫猶號呼  
願君勤自勵  
憂患何時無

又

簪自京口歸  
卜居得剡曲  
地偏無市人  
民淳有古俗  
陋屋僅結茆  
粗飯財脫粟  
典衣以沽酒  
九月未能贖  
寧負翁子薪  
恥售卜和玉  
老身已如此  
兒子亦碌碌  
藏書幸無恙  
自計不啻足  
拾穗且浩歌  
行矣墮鬼錄

且又

少小喜讀書終夜守短檠其實無甚解不幸誤  
有聲勞苦亦何得空失東臯畊莫年乃小黠告  
歸學養生采藥作遠遊把釣適幽情高樓笛數  
曲小軒棊一杯餘年置勿憂不卿何由烹烹

喜雨

入夏久不雨旱勢已岌岌蛙蛤徒自喧蛟龍臥  
如蟄何由白水滿但守青秧泣上天忽悔禍川  
雲起呼吸虛簷雨競瀉平野苗盡立兒停蹋溝  
車婦免憂谷汲人言雨非雨乃是傾玉粒移床  
亦細事敢嘆屋漏溼

○初夏雜興

諸詩俱別有生態

此事可愛兼有寄託

老子今朝不用扶雨涼百病一時蘇扇題杜牧  
故國賦屏對王維初雪圖把釣溪頭蹋湍瀨煎  
茶林下置風爐箇中莫謂無同賞逋客能從折  
簡呼

又

觸目成句

巾脫冠欹八尺床竹陰槐影有餘涼  
隨風花墮殘基上引睡書拋倦枕傷  
水長沙鷗向人熟雨餘巢燕哺雛忙  
尚嫌未愜幽情在又喚漁舟渡野塘

又

自斷殘年莫問天吾儕何處不隨緣  
家貧却得身差健子亦每作此詩于不寐時尤甚夜短何妨晝熟眠  
未歷名山采靈藥且

從同社樂豐年賣絲糶麥償逋負  
猶有餘錢買釣船

繆算狂言悔莫追杜門省事不妨奇  
欹傾淡墨詩成後縹緲烏巾浴出時  
筇杖閒行穿密篠繩床移坐照清漪  
眼邊好景真須惜漸近浮生結局時

輒歎奈何

趁雨東園去。荷鋤歸菴。却展讀殘書。幸能曾著  
 雲夢澤。何恨家無擔石儲。水泛時須借。蓬艇山  
 行亦或命中車。嬾心惟怕遊城市。非向交親故  
 作疎。可為山村居人解嘲

又

終日頽然蠹簡中。門前煙水浩無窮。百年等是  
 一枯塚。四海應無兩放翁。栗玉長枝挑苦筍。胭  
 脂小把翦防風。地偏日永閒無事。擬著珍蔬譜

一通

對酒作

學道若心語

飲酒豪如卷白波。遣愁難似塞黃河。多聞只解  
 為身累。後死空令見事多。未試神仙餐玉法。且  
 賡壯士入關歌。此心不道無人識。雪鬢蕭蕭奈  
 老何

獨坐閒詠

書生亦有功名願。與世無緣每背馳。一寸丹心

空計國滿頭白髮却緣詩  
深掩柴荆謝世紛南山時看起孤雲殘年所幸

又坐開病

身猶健閒事惟求耳不聞  
無人踏雪覺蕭蕭奈

水亭不受俗塵侵葛帳筠床弄素琴一片風光

誰画得紅蜻蜓點綠荷心

又

又

又

莫道山翁老病侵靜中理得舊傳琴朝來有喜

君知否雨展芭蕉二尺心  
靜中實會

書興

占得溪山十數椽飽經世故氣猶全入門明月

真堪友滿榻清風不用錢便死也勝千百輩少

畱更過二三年湖橋有酒能來醉一棹何妨作

水仙  
史一

書感  
客謝去蕭共

翟公冷落客散去蕭尹譴死人所憐輸與桐君  
山下叟一生散髮醉江天

問更又

驅山不障東逝波一尊莫惜醉顏酡斜風細雨  
茗溪路我是後身張志和

暑雨

欲雨未雨雲車犇欲睡不睡人思昏蠻童正報  
煮茶熟忽有野僧來叩門

又

草茂水長蛙羣鳴涯深路壞人斷行故侯老退  
守瓜壟翠蔓黃花徧眼明

池亭夏晝

造物寧非念老生池亭幽事悉施行羣魚聚散  
忽無迹孤蝶去來如有情小磴落茶紛雪片寒  
泉得火作松聲曲肱假寐翛然寤不爲敲門夢  
不成

不效又

茅舍蘆藩枕小灘蕭森那復畏炎官醉床酒解  
香初過懶架書橫夢未殘饒愛流匙菰米滑渴  
便滿杓粟漿酸兒孫幸有團欒樂未覺浮生一  
笑難

頃歲從南鄭屢往來與鳳間暇日追懷舊  
遊有賦

笞戍蚕鼓北頻行鳳集南烽傳戎壘密驛遠客  
程貪春盡花猶坼雲低雨半含種畬多蔽粟執  
木雜松栢婦汲惟陶器民居半草菴風煙迷棧  
閣雷霆起湫潭城郭秦風近村墟蜀語參快心  
逢曠野刮目望浮嵐考古時興感無詩日每慙  
嘉陵最堪憶迎馬柳毵毵

掃除小園未竟歸臥

竹葉埽仍落莎根鋤更生陰陽常代謝今昔各  
施行勛業須時至衰榮忌力爭徑歸差省事高



枕聽蟬聲

暑中北窗晝臥有作  
御疾如治河但當導之東下流既有歸自然行  
地中養生如執木培植要得宜常使無夭傷自  
有干雲時我少本多疾屢亦頻危殆皇天實相  
之警告意有在中年棄嗜慾晚歲節飲食中堅  
却外慕魔盛有定力死生雖天命人事常相參  
茫茫九衢中百禍起一貪郊虛暑雨餘巾墮脚  
不襪高臥北窗涼超然寄疎豁

羈懷

羈懷不復耐悲歡清鏡朝朝雪鬢繁謝傅畏逢  
親友別龐公息遺子孫安殘骸累歲歸民伍半  
俸今春上縣官閉戶惟須學堅坐不知更敗幾  
蒲團

自貽

寒暑衣一襦朝哺飯數匙錢能禍撲滿酒不負

鴟夷一醉隨神對蝶蜂  
幾銷融對燕西不負

又

家風本韋布生事但漁樵  
慣就下鄉食莫煩東

閣招香土潮官開氣對  
賦學望坐不映更頰幾

又

癡孫護雀雛饑僕放池魚  
懷藥問鄰疾典衣收

舊書

又

退士憤驕虜閒人憂早年  
耄期身未病貧困氣

猶全

劍南詩彙卷第七十六

平筆隸良未減貧困

劍南詩彙目錄

卷第七十七

得雨露足遂有豐年意欣然口占 浴罷

閒步門外而歸 初晴 枕上二首 讀史

今歲六月望後一日立秋比常年涼意

差早 獨坐二首 貧病 涉溪 卽事四首

野性 閒行 伏中熱不可過中夜起

坐作詩寄五郎 暑中自遣 夜坐中庭

夜坐門外示子適 夜坐小飲 閒思

書村店壁 幽居 立秋前九日大雨

涼甚 首二 寄太湖隱者 讀史 首四 病戒

夏夜納涼 銘座 異夢 初秋驟

涼 新涼 書幸 獨遊 記夢 初秋

自述 秋暑夜起追涼 首二 小築 喜雨

首二 秋夜 白鷗 靜室 秋興 欲雨

首二 雜感十首以野曠沙岸淨天高秋月

明為韻 秋思 首十 雞犬 首二 秋來瘦甚

而益健戲作 秋夜 秋興 閒詠 人

壽至耄期 訪野人 黨蠹劾宛陵先生

體 吹笛 書幸 感事 晚晴 農家

寓歎 首二 雨夜 秋懷 首四 小室 贈

道侶 舟中醉題 首二 出遊莫歸 園中

作

劍南詩彙目錄

卷七  
七終

劍南詩彙卷第七十七

得雨露足遂有豐年意欣然口占

人事銷沉渺莽中此身元合付天公儒生可逐

惟求忘社酒常辭不怕聾鬱鬱稻苗欣出穗汪

汪陂水告成功老民莫道渾無用能為明時祝

歲豐

浴罷閒步門外而歸

兩扇荆扉數掩籬幽人浴罷得娛嬉南臨大澤

風來遠東限連山月出遲沙上無泥藤履健水  
邊弄影葛巾欹徑歸却就東窗臥要及蟬聲未  
歇時

初晴

暑雨初收體爲輕。遠山盡出眼偏明。詩憑寫興  
忘工拙。酒取澆愁任濁清。綠樹有陰休倦步。澄  
溪無滓濯塵纓。老人本少凋年感。不奈江城暮  
角聲。

枕上

青絲玉井轆轤聲。露葉風枝鴨鴂鳴。造物未容  
閒到死。又從枕上得詩情。

又

冥冥梅雨暗江天。汗浹衣裳失夜眠。商略明朝

當少霽。南簷風珮已鏘然。

新作藥玉風響如古  
玉珮珩璜。珞璣悉備。

讀史

馬周浪迹新豐市。阮籍興懷廣武城。用捨雖殊

才氣似不妨也是一書生

今歲六月望後一日立秋比常年涼意差早

九衢車馬困炎曦正是山中散髮時秋近梧桐  
已搖落陰生蟋蟀最先知稻陂水白寧憂旱灶  
突煙青幸續炊誰謂吾廬太岑寂茶瓜亦有野  
人期

獨坐

蛙鳴乃是怒鵬嘯固非妖獨宿空山夜何妨伴

寂寥

又

輕雷不成雨闕月却穿雲獨倚南窗柱長吟到  
夜分人間閑事多出門唧唧看天味滋味莫問

貧病

貧至今年劇真無地置錐判愁停貫酒忍病罷  
迎醫性懶非關老天窮豈坐詩秋風還欲到便  
可數期頤

何處涉溪

揮汗欲成雨聚蟲真若雷山翁在何許赤脚步  
溪來今平陳真無世置難快意事賞國忍寂靜

卽事

身向人間閱事多杜門聊得養天和盛衰莫問  
蕭京兆壯老空悲馬伏波日暮城樓傳戍角風  
生嶺路下樵歌君知此段神通否豎拂能降百  
萬魔

又

唐虞千載仰巍巍太息儒生每背馳經未盡亡  
君更考古無不死我何悲釣耕本是求賢地宵  
旰今逢願治時寄謝公卿各努力爲吾君築太  
平基

又

我愛湖山清絕地抱琴携鷓住茆堂藥苗自采  
盤蔬美菰米新春鉢飯香南浦風煙無限好非



軒雷雨不勝涼舊交散落無消息借問黃塵有

底忙

又

放翁老去未忘情鏡裏森然白髮生一片常愁

見花落三聲最怕聽猿鳴年年雙隻路傍堠夜

夜短長城止更晚悟一條差似可孤舟漁火看

潮平千嶺响無聲太息淵生與背嶼野未盡

野性

野性從來與世疎俗塵自不到吾廬醉中往往

得新句夢裏時時見異書稚子那偷服藥酒家

僮尚護放生魚今朝更有欣然處引得清泉灌

晚蔬

閒行

出戶莽悠悠東西本不謀阻溪因小步逢店得

中休鳥沒千山暝蟬吟一院秋詩成還自笑信

筆媿冥搜

伏中熱不可過中夜起坐作詩寄五郎  
衆星若銀礫老桂臥海底中夜熱不解病叟推  
枕起悲蟲號草根孤螢照野水樹頭風急生喘  
汗真一洗追憶總角初學古頗自喜祝身願耆  
老常恐抱志死豈知才術疎空自凋髮齒功名  
永無期祿不飽妻子歸耕力又憊得粟半糠粃  
詩書不可賴如倚折足几大兒逾六十逐食走  
千里路途沉難梗累月書一紙豈不念歸省屢  
請輒見柅幸吾未極衰汝行姑少止

暑中自遣

服藥全言

名山處處得幽尋破硯時時出苦吟上藥和平  
無近効古詩簡淡有遺音蘇門隱去聞孤嘯粟  
里歸來弄素琴尚恐俗塵除未盡每思雪夜宿  
東林

夜坐中庭

蕭散坐中庭三更月未生  
朔風涼醉頰汲井濯

塵纓草露沾衣冷  
天河隔樹明  
裴回不能睡  
鼓角下高城

夜坐門外示子適

秋意遽如許  
體中殊未佳  
灘深無宿鷺  
草茂有鳴蛙  
棲遯從吾好  
吟哦與汝偕  
雲門漸可到  
剡判幾青鞋

夜坐小飲

零落槐花已滿溝  
江湖又見一番秋  
冰輪有轍凌空上  
銀漢無聲接地流  
丹荔甘寒勞遠致  
玉酪醇冽喜新筵  
移床坐對西南電  
好雨心知不待求

閒思

畢世爲農不復疑  
還東六見歲陰移  
閉門旋了和詩債  
賣藥不償沽酒資  
意倦投床効龜息  
齒疎嚼飯類牛啍  
兀然過日君無怪  
一念功名恐過悲

書村店壁

裹茶來就店家煎手解驢鞍古柳邊寺閣重重  
出山崦漁舟兩兩破溪煙近秋漸動尋幽興絕  
俸難營覓醉錢到處不妨閒著句他年好事或  
能傳

幽居

讀之覺涼氣襲人

毒暑流金石吾廬乃爾幽松棚香帶露竹簟冷  
生秋盪漿蘋花浦垂竿杜若洲非關遺世事聊

以解吾愁

立秋前九日大雨涼甚

天暑正三伏雨來俄九秋寒聲入簷戶爽氣襲  
巾禱山色凝深黛溪流戰怒虬身輕更何苦處  
處可閒遊

又

雨暗初疑暮雲開已變秋有風生枕簟無汗漬  
衣禱漉酒嘗浮螳題詩走黑虬呼兒治書笈吾

欲剡中遊

寄太湖隱者

青松伐作薪白玉碎作塵雖云質已毀見者猶  
悲辛磊砢任棟梁溫潤中琮璧豈以捐空山遂  
比凡木石鄙生吏高陽馬周客新豐從來豪傑  
士大指亦略同具區古大澤煙水渺千里可望  
不可到中有隱君子圖書兼河雒成毀窮乾坤  
有時跨蛟鯨指撝雷雨犇嗟我獨何人乃許望

顏色逝將從之遊變化那得測

讀史

湘帙牙籤滿架書流泉泱泱竹疎疎人生得志  
寧無命一室何妨且埽除

自古又

至侯到底是虛名何物能爲我重輕徒步出關  
胡不可向來常笑棄繻生

又

男子胸中正要奇立談能立太平基君王玉鉞  
無窮恨千載茫茫誰復知

又  
自古功名亦偶諧胸中要使浩無涯可憐赫赫  
丹陽尹數顆檳榔尚繫懷

○病戒  
憂身如憂國畏病如畏亂此身雖幸健敢作無  
事看禍福在呼吸恐懼兼寢飯人所忽不省我

患嘗熟爛夜臥不安席晨起寧待旦雖云親藥  
石得失每參半人情喜一快往往觸剽悍收功  
寧使遲覆敗不可玩

夏夜納涼

河漢微茫月漸低風聲正在草堂西莎根唧唧  
蟲相吊木末翻翻鵲未栖屯甲近聞如積水

孺近募雄  
淮軍數萬

守關不假用丸泥孤臣報國嗟無地

聞淮

只有東臯更飽犁

身退仍懷退心平更欲平直嫌繩尚曲重覺鼎  
猶輕力學能除翳深居可息黥聖門初豈遠妙  
處在躬行日補功風聲五五草堂西志壯神

異夢

山中有異夢重鎧奮離戈敷水西通渭潼關北  
控河淒涼鳴趙瑟慷慨和燕歌此事終當在無  
如老死何

初秋驟涼

我比嚴光勝一籌不教俗眼識羊裘滄波萬頃  
江湖晚漁唱一聲天地秋飲酒何嘗能作病登  
樓是處可消憂名山海內知何限準擬從今更  
爛遊

新涼

家住山陰剡曲傍一番風雨送新涼亦知病得  
清秋健無奈愁隨獨夜長日落川原橫慘淡月

自傷山劍嶽曲幽一  
自傷山劍嶽曲幽一  
番風雨送滌京亦賦  
賦詩

書幸

才薄無能役窮途不意全得書娛晚算遇藥起  
沉縣漂母能分食偷兒肯恕羶不知從此去更  
度幾流年  
地僻少人迹身閒思獨遊荒村更阻雨衰鬢不  
禁秋斷續呼牛笛橫斜放鴨舟殘年澹無事隨  
處送悠悠

記夢

夢遊異境不可識翠壁蒼崖立千尺樓臺縹緲  
出其上揮手直登無羽翼門楣扁榜作八分奇  
勁非復人間迹主人鹿弁紫綺裘相見歡如有  
疇咎探懷示我數紙書妙句玄言皆造極我即  
鈔之雜行草主人儻恍如甚惜夢中亦復知是



夢意恐覺時無處覓自量強記可不忘雞唱夢  
 回空歎息示非媿屏書以向玄言皆豈對非唱  
 煙非初秋自述主人與我紫籬寒時良薄吹  
 平生偶有愛山僻垂老常無沽酒資破屋頽垣  
 吾已矣大冠長劍汝為誰郵亭歷歷關河遠鬢  
 髮蕭蕭歲月移殘暑不禁隨手過東籬又近菊  
 花時

禁煙秋暑夜起追涼

漱罷寒泉弄月明浩然風露欲三更曲闌干畔  
 踟躇久靜聽空廊絡緯聲

又

道士磯邊浪蹴天郎官湖上月侵船算年自度  
 無因到且與沙鷗作後緣

小築

竝湖堤茅茨不厭低引泉澆藥圃碎竹樹  
 雞棲夕靄山常淡秋蕪路欲迷平生草玄手老

去學鉏犁山常火無烟為志平主草凉手步

小驚喜雨與茅火下想外得泉樂與國和竹樹

黑雲橫絕天漢津父老僉言候當雨未論秋稼

縣千里且喜滂沱洗殘暑我起呼兒扶再拜汗

垢得涼真一快桔槔抱甕兩置之日日齋盂飽

菘芥

又

雨聲蕭蕭集庭樹雨氣森森入窗戶玉川茆屋

久不葺破漏無復施床處我於萬事本悠悠危

坐讀書忘百憂明朝秋水增三尺且復沙邊弄

釣舟

精室秋夜

大枕空床夢不成草堂悄悄四無聲月明漸見

天窗白風起忽聞簷珮鳴客子未忘悲故里老

人無念到浮名江村歲歲先涼冷且復尋盟向

短檠

初南詩集

卷之七七

及古

臥藥白鷗

平生崖異每自笑一接俗人三袂除惟有白鷗  
 真我客爾來底事向人疎客下木忘悲心里法  
 六井靜室竟不知草堂幽僻四無鄰日開懶長  
 靜室牀橫一素琴爾來殊覺道根深喚回倦枕  
 功名夢洗盡浮生幻安心兩屨雲煙遊少室一  
 窗風雪宿東林細思却是關身事無奈殘年老  
 病侵

秋興

秋眠怯簟冷晨飯喜蔬香寧使衣百結肯儲錢  
 一囊杜門雖局促負氣尚軒昂死去真無憾曾  
 孫似我長

欲雨

徙穴中庭蟻爭巢後圃鳩物情猶慮患人事得  
 忘憂

又

荷鋪決新渠芟茅補舊廬  
莫知秋必雨有備即安居

雜感十首以野曠沙岍淨天高秋月明爲韻

呂鈞渭水濱說築傅巖野雖曰古盛時得士蓋亦寡天將起治亂人才有用舍向非萬牛力孰與成大厦

又

洙泗日已遠儒術日已喪學者稱孔墨爲國雜伯王書生幸有聞力薄不能倡默默世俗間汝職無乃曠

又

我筇下三峽百丈堆兩車初發公安城已過長風沙早知世路惡恨不常浮家至今清夜夢雙艣聞謳啞

又

初有詩集

卷之七七

及古閣

斗杓運四序寒暑忽已換人生知幾何去日難  
 把玩憑高望煙海青山忽中斷秋風肺病蘇爲  
 子巾一岸世世惡別不當到京至公高門受  
 非管又三知百丈掛兩車麻發公安歎曰  
 磨鏡要使明拭几要使淨奈何視吾心不若几  
 與鏡垢汗倘未除秋豪卽爲病吾曹亦聖徒可  
 不學顏孟

又

天人本一理禍福常昭然人衆何足恃妄謂能  
 勝天適燕當北轅調瑟當解弦五行未可忽洪  
 範禹所傳

又

鏡湖一何清稽山一何高浙江百里遠夜枕聞  
 驚濤子胥死吳下千載無人豪遺魂招不來我  
 欲續楚騷

又

初南詩集

卷之七七

及古閣

歸耕無襪襠出戰無兜鍪已失西疇春空懷北

平秋提攜一束書蹭蹬至白頭舖中有轅飯一

飽吾何求

吳人謂飯不炊者為轅飯轅音勞

又

我筇遊劔南爛醉平羗月一盃玻瓈春萬里望

吳越豈知有天幸故山得歸骨扁舟小江上夜

半看月沒

又

入東多名山天台連四明路窮寺門出林闕溪

橋橫豈無一月間結束與子行會揀最幽處煨

芋聽雪聲

秋息

秋雲易簇日常陰西望山村每欲尋屏掩數峰

臨峭絕地蟠一徑入幽深

又

山步溪橋入早秋飄然無處不堪遊僧廊偶為

題詩入魚市常因施藥畱  
不欺我輩會瀛洲

又

臨海銅燈喜夜長  
蘄春笛簞怨秋涼  
世間生滅

無窮境盡付山房  
西炷香

台州白銅燈藥絕妙

又思

才不才間未必全  
胸中元自要超然  
黃金不博

身強健且醉江湖  
萬里天

入東又

牙齒漂浮欲半空  
此生已付有無中  
一盃藜粥

楓林下時與鄰翁  
說歲豐

又

疏泉洗石誇身健  
試墨燒香破日長  
若得三山

安樂法不須更覓  
玉函方

又

傍縣人來涕泗翻  
蝗灾暴虎不堪言  
天心似爲

衰翁地飽食安眠  
獨北村

閒愁正可資詩酒小疾安能減食眠一畝旋租  
畦菜地千錢新買釣魚船

又

眼明尚見蠅頭字暑退初親雁足燈歷歷胸中  
千載事莫將輕比住菴僧

又

虛極靜篤道乃見仁至義盡餘何憂名山采藥  
恐未免策蹇孰能從我遊

雞犬

鄉村年久競農務秋歛春畊恐失時我老元無  
夙興事嬾雞啼曉恰相宜

又

貧家也復謹朝昏小犬今年乞近村糠粃無多  
深媿汝狺狺終夜護籬門  
秋來瘦甚而益健戲作



莫笑形羸不自支清虛正與老人宜  
 矛頭浙米誰能食甌裏生塵却自奇  
 獨釣又逢秋晚後安眠常到日高時  
 邇來久雨牆垣壞碎竹東岡自作籬

秋夜

岸幘蕭然病體輕雨餘郊館已涼生  
 微風掠面酒無力明月滿窗眠不成  
 葉底涓涓秋露滴草根咽咽暗蛩鳴  
 屏居未免傷孤寂賴有鄰翁約

耦耕

秋興

巢燕無情不更回門庭日日落楸槐  
 新涼漸喜償碑債多病還憂欠藥材  
 社近家方斲濁酒客來身自埽蒼苔  
 道心已熟機心盡寄語鷓鴣莫苦猜

閒詠

莫笑結廬魚稻鄉風流殊未減華堂  
 茶分正焙

新開箸水挹中灑自候湯小凡研朱晨點易重  
簾埽地畫焚香個中富貴君知否不必金貂待

紫皇

青城丈人祠画仙  
官有服貂蟬者

來使人壽至耄期

人壽至耄期如位至王公非以德將之往往不

克終非必皆大惡過取固多凶吾今垂九十追

逐羣衆中筋骸勝拜起耳目未盲聾強健天所

借正與富貴同一念媿屋漏一言誑孩童老無

朋友規日夜勤自攻

訪野人

我行城西南適茲素秋時風露雖已高草木鬱

未衰敲門尋野人一笑萬事非拂榻意何勤酒

醞雁鶩肥新涼天所賜盡醉不足辭擊壤歌堯

年瞑目以爲期

黥蟲効宛陵先生體

澤國故多蟲藥夜吁可怪舉扇不能却燔艾取

一快不如小忍之驅逐吾已隘寧聞大度士變  
色爲蜂蠆

吹笛

吳江楚澤閒遊徧未豁平生萬里心醉裏獨攜  
蒼玉筍岳陽樓上作龍吟

書幸

破屋頽垣鬼笑窮暗中調護賴天公頻年得疾  
身猶健百種無營飯不空

感事

已醉猩猩猶愛履入秋燕燕尚爭巢老夫看盡  
人間事欲向山僧學打包

晚晴

雨如塵點送新涼雲作魚鱗襯夕陽蓬戶清閒  
貧亦好筍輿安穩病何傷

農家

寂寂江村數掩籬吾廬又及素秋時橫林未脫

色已盡孤鳥欲棲鳴更悲小釜尊羹初下豉矮  
瓶豆粉正燃萁為農幸有家風在百世相傳更  
勿疑

寓歎

白首還鄉厭蕨薇俚俚自歎欲疇依門庭不埽  
稀迎客礎杵無聲未贖衣達士莫知生是贅古  
人嘗謂死為歸疇疇幸可期中熟又報殘蝗接  
翅飛

長歌又

憶管建炎南渡時兵間脫死命如絲奉親百口  
一身在許國寸心孤劔知坐有客瘖堪笑醉身  
今病忘莫求醫出門但畏從人事臨水登山却  
未衰

雨夜

病多漸減燈前課老甚都忘枕上愁一段高情  
誰會得臥聽簷雨瀉清秋

霜會秋懷

火食非初志衣塵每自哀危途觸灑瀕歸興薄  
蓬萊逋客傳琴調高僧乞藥栽人間豈不好病  
眼自慵開

今歲又

苦雨無時止幽人空復晴少眠知夜永久病喜  
清秋螢傍疎簾度蛩依壞甃鳴流年那可挽又  
見曉窗明

又

獨立離人境幽居察物情蟻知軍陣法蟲作緯  
車聲身老唯貪睡兒痴亦惰畊騰騰復兀兀何  
以報時平

又

寓世久成贅忘家生若浮安能三太息惟有四  
宜休屋壞無全堵船輕每信流鴟夷幸無恙賴  
爾可消憂

爾石小室

窗几窮幽致圖書發古香

古香見米元章書畫史

尺池魚

鱣鱣拳石樹蒼蒼老去身猶健秋來日自長養

生吾豈解嬾或似稽康

贈道侶

葢笈人多有惟君獨造微丹成河自塞吟罷劍  
俱飛酒市尋差易雲山覓更非何時醉携手為  
我發玄機

舟中醉題

風吹蘆荻聲颼颼晚潮入港浮孤舟老民已掃  
市朝迹造物全付江湖秋項里廟前是魚市禹  
會橋邊多酒樓醉來且復過此日莫為礎杵悲  
無裘

又

鮑郎山前煙雨昏疎燈小市愁偏門上船初發  
十字港鼓棹忽過三家村孤鸞對鏡空自感老

龜搯床何足論但願諸公各戮力上助明主憂

元元

偏門十字港三家村皆地名

出遊莫歸

東行西行日莫歸川雲漠漠雨霏霏蝗餘場上

禾收薄酒貴街頭客醉稀買犢躬畊空自力灼

龜占歲又成非稚孫索飯殊關抱憐汝何時得

瓠肥

園中作

紗巾一幅立斜陽本尚無閒況有忙雞犬往來

空自得禽魚翔泳各相忘欲衰莎草無多綠未

落梧桐已半黃徂歲匆匆成絕嘆瓦溝行復見

新霜

燕歸

空自野禽魚鱗各歸忘煖涼草無多絲未

劍南詩彙卷第七十八

劍南詩彙目錄

卷第七十八

感舊 東園 秋夜 驛壁偶題三首 夜

起息子虞 秋日次前輩新年韻五首 仲

秋書事十首 步屨 後死 息剡 故里

野意 意行至神祠酒坊而歸 訪村

老 戲題僧巷 書意二首 南塘晚步記

鄰里語 稽山道中二首 讀近人詩 琴



劍 戲題 溪上小雨 晚聞庭樹鴉鳴

有感 秋夜益中首二 識媿 秋雨 秋

來益覺頑健時一出遊意中甚適雜賦五

字首十 遊近山僧菴 喜晴 阿通自閩

中歸甫九歲頗有老成之風作此詩示之

農家首六 讀老子有感 鄰人送菰菜

書喜 秋日徙倚門外久之 雙蝶

法雲孚上座求詩 詹仲信出示卜居詩

佳甚作二絕句謝之 夜雨 晚秋出門

戲作首二 消搖 堅頑 遣懷首四 初寒

閒行至西山民家 夜與子適說蜀道

因作長句示之 村舍首七 登山西望有

懷季長 山行 二樂 村女 示子適

聞新雁有感首二 山村獨酌 小園獨

酌

劔南詩彙目錄 卷七十八終

劔南詩彙卷第七十八

感舊

莫笑山翁老欲僵壯年曾及事高皇  
離戈北出戍窮塞華表東歸悲故鄉  
萬事固難輕付度百年猶有未更嘗  
紛紛謗譽何勞問但覺邯鄲一

夢長

齊民要術曰智如禹湯不如更嘗

東園

車馬無聲客到稀荷鋤終日在園扉  
斷殘地脉

疏泉過穿透天心得句歸對鏡每悲鸞獨舞繞  
枝誰見鵲南飛悠然自適君無怪文史如山斲  
解圍

秋夜

局促人間每鮮歡秋來病骨愈酸寒夾衣尙典  
雁聲過斷簡未收雞唱殘退士鬢毛紛似雪老  
臣心事炳如丹燈前握臂無交舊聊喚清尊少  
自寬

驛壁偶題

纍纍驛門堠杳杳寺樓鐘葉落樹陰薄雲生山  
崦重交親窮未棄父子老相從惟待新粳熟高  
眠聽夜舂

又

去去投山驛悠悠解橐裝斜陽穿破廡落葉滿  
空廊舞簡村巫醉塗朱野女粧近行吾亦倦假  
寢據胡床

過市未十里入山知幾重  
幽林聞格磔淺瀨見  
唵喞小瓮家家酒  
衡門世世農  
班生定癡絕  
辛苦覓封侯

夜起思子虞

我久依畊壠兒方吊戰場  
臥聞風浩蕩起視月  
蒼茫老境綈袍暝  
貧家菜粥香  
惟愁殺風景無  
酒作重陽

秋日次前輩新年韻

孤生雖永棄要亦是黎元  
渺渺煙中路冥冥海  
上村小灘看鷺立  
平野送鴉翻  
卽欲掩關臥南  
山猶未昏

又

舊交多雋傑離散各何之  
騏驥志千里鷦鷯巢  
一枝青雲迷故步  
白首負暉時  
幸有殘書卷猶  
堪付小兒

又

老人常獨處一笑比河清終日無來客三年不入城高眠聽酒滴危坐對雲生矯首羲皇世吾其享大羹

又

浮家久居蜀下峽晚還東天際孤帆遠花前百榼空旅遊渾似夢年運遂成翁欲話峩眉月無人可與同

又

殘年垂九十雪鬢不勝繁賣屨糴炊米典衣租廢園山深雲滿屋夜靜月當門鄰曲時相過扶行賴稚孫

仲秋書事

秋風社散日平西餘昨殘壺手自提賜食敢思

烹細項家庖仍禁擘團臍管為儀曹郎兼領膳部每蒙賜食與王公

畧等食品中有羊細項甚珍予近以惡殺不食蟹

又

天心那得與人同  
牲社家家禱歲豐  
料理蝗餘猶十五  
殘年亦未委溝中

又

斷雲歸岫雨初收  
茅舍蕭條古渡頭  
短褐老人垂九十  
松枯石瘦不禁秋

又

客來深媿里閭情  
近爲衰殘罷送迎  
旋置風爐

煎顧渚劇談猶得慰平生

又

舉家食粥顏平原  
坐客無羶鄭廣文  
不是有心輕富貴  
偶然看破是浮雲

又

書生習氣盡驅除  
酒興詩情亦已無  
底怪今朝親筆硯  
村鄉來請辟蝗符

又

靈府不搖神泰定病根已去脉和平金丹妙處  
無多子只要先生兩眼明

省身要似晨通髮止殺先從算拍蚊老負明時  
無補報惟將忠敬事心君

又

杖得輕堅餘可畧酒能醇勁更何求二君最是  
平生舊白首相從萬事休

又

心明始信元無佛氣住何曾別有仙領取三山  
安樂法蒲團紙帳過年年

步屨

名山有志未能酬步屨東岡當出遊小閣捲簾  
驚鷺起清池投餌看魚浮西風吹葉空多感落  
日銜山尚小畱兒老戍邊歸未得淮南新雁又  
經秋

後死

後死非初望餘生只自悲舊交孤劍在壯志短  
檠知行步雖依杖光陰未付碁爲農自當力不  
爲學函詩

思剡

羸疾無休日清秋適此時節存旄盡落帶臄眼  
頻移吾興復不淺俗人那得知會當遊剡去支  
許有深期

故里

漏盡鐘鳴有夜行幾人故里得歸耕摧傷自喜  
消前業疾恙天教學養生鄰曲新傳秧馬式房  
櫳靜聽緯車聲芋魁菰首君無笑老子看來是  
大烹

野意

久忝明恩返故鄉全家衣食出畊桑詩纔適意  
寧求好醉卽成眠不暇狂小雨荷鋤分藥品乍



涼扶杖看優場此身已作農夫死却媿時賢獨  
未忘

意行至神祠酒坊而歸

雨收霽色滿川原獨曳枯藤出里門陌上微風  
搖稗穗溝中殘水出籬根繫牲廟柱悲刀几醜  
酒村場滿盎盆興盡還家殊不遠漁燈績火開  
黃昏

訪村老

強健如翁舉世稀夜深容我叩門扉大兒叱犢  
戴星出稚子捕魚藥月歸骨肉團欒無遠別比  
隣假貸不相違人間可羨惟農畝又見秋燈照  
搗衣

戲題僧巷

致虛守靜氣常全家付兒孫命委天夢事只堪  
高臥看危途誰校疾行先獨轅短棹聊乘興野  
草幽花自鬪妍數字漫留僧壁去與身閒作後

身緣

書意

秋江菰菜喜新嘗  
鹽酪親調七箸香  
但有長腰吳下米  
豈須細肋大官羊  
青衫管悔塵中老  
白髮今宜靜處藏  
一事尚須深自咎  
街頭兒女識韓康

又

物我年來已兩忘  
蕭然湖曲一茆堂  
身閒自與俗子遠  
睡美不知秋夜長  
餘祿正應蠶瓮在  
宿醒時臥酒壚傍  
老人肘後長生藥  
檢盡千金無此方

南塘晚步記鄰里語

喚舟欲泛湖出門  
日已暮顧景遂輟行  
老病畏風露不如上  
南塘蕭然散予步  
季子挾書卷仲孫  
奉杖屨夏秋多杜  
門一出驚行路鄰  
里相與言穡事凜  
可懼羣蝗飛蔽日  
殘齧到竹樹惟茲

數里間若有神物護天菑幸獨薄豈以此老故  
老人亦自笑病骨日欲什鬼神彼何爲與世殊  
好惡相期勤自修此幸豈可屢

稽山道中

文章事業初何有鐘鼎山林本自同昨算釣魚  
天鏡北今朝采藥石帆東

又

禹陵草木初霑露謝墅人家已閉門八十年間

幾來往癡頑不料至今存

讀近人詩

琢琀自是文章病奇險尤傷氣骨多君看大羹  
元酒味蟹螯蛤柱豈同科

琴劔

流塵冉冉琴誰鼓漬血斑斑劔不磨俱是人間  
感懷事豈無壯士爲悲歌

戲題

莫輕凡骨未飛騰要勝人間粥飯僧山路近行  
猶百里酒盃一舉必三升

溪上小雨

我是人間自在人江湖處處可垂綸埽空紫陌  
紅塵夢收得煙篆雨笠身

晚聞庭樹鴉鳴有感

烏鵲棲我庭將旦輒散去此豈厭所棲亦以飲  
啄故一飢能驅人擾擾無晨暮不然亦已矣豈

樂塵土汙我有茆三間自少鮮外慕力畊自足  
食雞豚亦可具晚雖誤收召疾走如脫兔六年  
楓林下不知歲月度殘骸幸強健沽酒徧山步

鄉語謂湖山間  
小聚爲山步

醉歸每自笑不負此芒屨平生

愛方外雖老冀有遇秋風送片帆更上剡溪路

秋夜坐中

木落煙深江上村算秋蕭瑟不堪論雁如著意  
頻驚枕月似知愁故入門營道數峰新石友

近得

道石  
數峯  
廣陵一曲古桐孫亦知長物終安取聊與  
兒曹洗睡昏

又

殘年冉冉返丘園敗屋蕭蕭長子孫久悔文辭  
妨大學偶因憂患得玄門扶持後死知天幸容  
養無能荷國恩急雨打窗秋又晚旋挑野菜助  
盤飧

識媿

路逢野老其語  
歸舍賦此詩

幾年羸疾臥家山牧豎樵夫日往還至論本求  
編簡上忠言乃在里閭間私憂驕虜心常折念  
報明時涕每潛二句實  
書其語寸祿不沾能及此細聽  
只益厚吾顏

秋雨

算秋木葉已微丹小雨蕭蕭又作寒日送斷雲  
歸谷口身隨新雁寄江干濁醪易負尋常債退  
士難叨本分官謝盡浮名更無事燈前兒女話

團樂

秋來益覺頑健時一出遊意中甚適雜賦

五字

旬日雨頻作一年秋又殘光陰不少貸懷抱若  
為寬小瓮聊尋醉疎砧已戒寒定知清夜夢又

過石闌干

剡溪道中佳處

又

何許是吾廬南臨古鏡湖園林垂橘柚門巷落

楸梧牀穩龜無息巢新鶴有雛鄰翁殊耐久有

酒即相呼

又

原塋無間土鄉閭有老人疾平行已健秋晚醉

差頻啄黍黃雞嫩迎霜紫蟹新百年元任運一

笑却關身

又

藿食筋骸憊林廬歲月侵道窮息故友力盡悔

初心浩浩天知我悠悠後視今飄零君勿嘆古  
瑟有遺音

又

輕裝雨衣笈假寢一胡床喚渡江樓下逢僧縣  
驛傍橫林生夕靄孤蝶弄秋光老慣人間事無  
詩寄斷腸

又

渡水得魚舍乞漿敲竹扉地偏花帶恨林暝鳥  
忘歸獨往非違世幽居自息機晚來清興極更  
喜雨霏霏

又

窮阨非由命從來作計疎妄營資鬼笑多愛奪  
狐書何事能陶寫惟當盡破除霜晴宜著屐不  
敢笑無驢

又

寓世年雖往安心疾已平每息丹竈冷宜覺世

劍南詩集 十四  
緣輕布被雞催曉蓬窗鵲噪晴呼兒淨洗硯書  
帖寄青城

又

萬古無窮夢餘年欲散雲身雖迫衰謝學未廢  
鉏耔開卷多新得逢人有舊聞伏生雖九十猶  
冀與斯文

又

斯世本無事古人誰與歸屏除閒塵尾收拾舊  
蓑衣浩浩觀空劫拳拳訟昨非雲開天萬里遼  
鶴正孤飛

遊近山僧菴

臥看香穗嘆吾衰起著芒屨信所之十里溪山  
最佳處一年寒煖適中時眼明竹院如曾到心  
許沙鷗卜後期不是詩人託高興日長真付一  
杯棊

喜晴



三曰雨不止意謂無復晴泥深不可出臥聽空  
堦聲事有未易料南風起三更陣陣浮雲歸杲  
杲初日明穡事既竭作機杼比屋鳴天公真老  
手談笑功皆成家家有新釀歡言相送迎蝗孽  
幸埽空努力謀春畊

阿通自閩中歸甫九歲頗有老成之風作  
此詩示之

通子還家已九齡從師衿佩兩青青長成勉作  
功名計勿學衰翁老一經

農家

大布縫袍穩乾薪起火紅薄才施畝畝朴學教  
兒童羊耍高爲棧雞當細織籠農家自堪樂不  
是傲王公

又

盜息無排甲兵消不取丁頻過鬪雞舍閒學相  
牛經江浦漁歌遠人家績火青遨遊無定處隨

意宿丘亭

又

東舍女乘龍西家婦夢熊翁誇酒重碧孫愛果  
初紅粟烈三冬近團欒一笑同營生無繆巧百  
事仰天公

又

租犢畊蕎地呼舩取荻薪蒼頭僕井臼赤脚解  
縫紉僧乞銘師塲巫邀賽土神心常厭多事謝

病又經旬

又

新作地爐成蓬窗亦自明油香麩餌脆人靜布  
機鳴縣吏催科簡豪家督債輕小康何敢望生  
計且支撐

又

諸孫晚下學髻脫繞園行互笑藏鈎拙爭言鬪  
草贏爺嚴責程課翁愛哺飴富貴寧期汝它

年且力畊

讀老子有感

左史倚相讀皇墳學者尚得窺全渾孰爲武城  
二三策寧取道德五千言巢居結繩事益遠澆  
淳散朴忍復論安得深山老不死坐待古俗還

義軒

鄰人送菰菜

張蒼飲乳元難學綺季餐芝未免飢稻飯似珠

菰似玉老農此味有誰知

書喜

莫謂家貧厭舊醅一尊聊對桂花開天菑已過  
無蝗孽海舶初通有藥材剗借涼風吹醉頰况  
逢急雨洗浮埃入秋腰脚增強健山麓從今日  
日來

秋日徙倚門外久之

舍前煙水似瀟湘白首歸來愛故鄉五畝山園

鬱桑柘數椽茅屋映菰蔣翻翻小繖舩歸郭渺  
渺長歌月滿塘却掩柴荆了無事篆盤重點已  
殘香

雙蝶

庭草何離離清晨露猶溼草頭兩黃蝶爲我小  
佇立秋光亦已晚行見霜霰集方春不盡狂汝  
悔尙何及吾生更堪笑去日如電急功名竟何  
在惆悵劔峯澀

法雲孚上座求詩

老人癡鈍避嫌猜終日柴門閉不開堪笑山僧  
能好事乞碑纔去覓詩來

近有淨慈僧訥來求  
銘其師捨亦寓法雲

幾年

詹仲信出示卜居詩佳甚作二絕句謝之  
十里相望亦未遙何由頻得慰無聊老來萬事  
慵開眼獨喜詩盟不寂寥

又

年來阻濶動經時忽見新篇乃爾奇安得齊紈  
翦團扇爲君小草卜居詩

夜雨

夜雨有殘滴秋礎無絕聲得詩旋已忘覓睡固  
難成壯志悲垂老歸畊願太平發春纔屬爾歲  
事又崢嶸

晚秋出門戲作

病叟倘佯古澤邊橫林搖落算秋天鳴鳩雨後

却呼婦飛雀霜前先著縣抱被每投僧榻宿卷  
書時當酒家錢秋風想像芝房熟北望商山一  
悵然

又

閒愁那到野人邊萬事元知合付天盡醉僅能  
三龠酒新寒未辦一銖緡鄰僧每欲分齋鉢廟  
史猶來索社錢無地置錐真細事不妨胸次日  
超然

消搖

莫笑茆檐陋消搖。遂野情。遇魔增道力。因病悟浮生。謀食憑長鑿。論交得短檠。不知從此去。幾見雁南征。

堅頑

小市朝行藥。明燈夜讀書。雖殊帶箭鶴。要是脫鈎魚。有飯已多矣。無衣亦晏如。堅頑君勿怪。豈失遂吾初。

遣懷

息倦登畊隴。藥閒弄釣舟。安能書咄咄。且復送悠悠。窮巷誰來往。村醪自獻酬。何妨晏平仲。歲晚一狐裘。

又

窮每占周易閒。惟讀楚騷病隨災。漸退嬾與拙。相遭投枕燈初上。披衣日已高。清愁亦可剪。無處買并刀。

又

有志師千載無方起九原  
山園菜常瘦村店酒多渾  
衰疾形詩句窮愁入夢魂  
傍觀任嘲笑吾道始應尊

又

雲族初疑雨風生忽快晴  
半窗松竹影繞舍鳥烏聲  
看劍心猶壯開書眼漸明  
餘年真已矣不復問君平

初寒

日月誰能駐風霜忽已高  
公孫分布被范叔芙蓉綈袍  
攬極炊香甑蒲萄壓小槽  
所慙才已盡孤詠不能豪

閒行至西山民家

秋林半丹葉秋草多碧花  
隔山五六里臨水兩三家  
罾魚與伐荻各自有生涯  
平池散雁鶩繞舍栽桑麻  
客至但舉手土釜煎秋茶  
城中不如

汝切莫慕浮夸。日舉千土釜煎煉茶。地中不取

三夜與子通說蜀道因作長句示之。臥齋

憶自梁州入劔門關山無處不消魂亞松託宿

逢秋雨小柏經行聽曉猿亞松在成都小柏在三泉閣道當日

只知悲客路歸來終亦老江村吾兒生晚那知

此聊對青燈與細論

日日村舍

無懷葛天古遺民種畬歸來束澗薪亭長聞名

不識面豈知明府是何人

又

雞鳴犬吠相聞地穴處巢居上古風飽飯不為

明日慮。酣歌便過百年中。

又

露草乾時兒牧羊朝日出時女采桑一床絮被

千萬足不解城中有許忙

又



山高正對燒畬火溪近時聞戽水聲破屋已斜  
猶可住老年雖瘠尚能耕

又

莫笑山家拙治生正緣亦足得身輕滿爐葑火  
渾家暝一盃松肪徹夜明

又

故絮五更偏覺冷薄糜未午已先飢誰知人不  
堪憂處正是降魔奏凱時

又

氣全自可忘憂患心動安能敵死生若論老人  
真受用已多稗飯與藜羹

登山西望有懷季長

行年垂九十舉世少輩行敢言貧非病要是老  
益壯平時嬾書疏有會未始倡張卿獨所敬夙  
笱推直諒迹雖隔吳蜀相憶每慘愴使者交道  
中萬里問亡恙忽焉奉赴告斯文豈將喪腰經

不撫棺執紼不會葬送子珉山下想見車百兩  
我徒哭寢門淚盡氣塞吭年雖不耄期仕誰不  
將相神明司禍福于職豈亦曠霜風九月初憑  
高極西望江原在何許安得鏟疊嶂

山行

五尺桄榔杖二寸楸櫚冠往來山谷中髮白面  
渥丹初非乳石力所得懷抱寬入寺不尋僧自  
愛松風寒松風晚少靜我意殊未闌却尋歸村

路白石明青灘

二樂

遊山恨不遠讀書恨不博天下多名山何處無  
芒屨束書飽蠹魚於汝寧不忤日月如過燒老  
病將何若眼猶急開卷足尙供尋壑少勞君勿  
辭是中有真樂

村女

白襦女兒繫青裙東家西家世通婚采桑餉飯

無百步至老何曾識別村

示子適

我初學詩日但欲工藻繪中年始少悟漸若窺

宏大怪奇亦間出如石漱湍瀨數仞李杜牆常

恨欠領會元白纔倚門溫李真自鄙正令筆扛

鼎亦未造三昧詩為六藝一豈用資狡獪晉人謂戲

為狡獪今汝果欲學詩工夫在詩外造微

聞新雁有感

才本無多老更疎功名已負此心初鏡湖夜半

聞新雁自起吹燈讀漢書

新雁南來片影孤冷雲深處宿菰蘆不知湘水  
巴陵路曾記漁陽上谷無

山村獨酌

腰劍如今不換牛固應萬事一時休孤舟慣作  
瀟湘夢駿馬寧息鄠杜遊毀譽要須千載定功

名已向隔生求石帆山下秋風晚買酒看雲自  
獻醜

小園獨酌

橫林搖落弄微丹深院蕭條作小寒秋氣已高  
殊可喜老懷多感自無歡鹿初離母斑猶淺橘  
乍經霜味尚酸小酌一卮幽興足豈須落佩與  
頽冠

劍南詩彙卷第七十八

劍南詩彙目錄

卷第七十九

秋思四首

覽鏡

雨晴

秋盡自遣二首

晝臥

獨坐

書感

舟中夜賦

舍

傍晚步二首

自詠二首

初冬

霜晴初

寒 題傳神

書感

宋都曹屢寄詩且

督和會作此示之

獨飲

簡湖中隱者

初冬雜詠八首

老歎

小園

冬夜思

里中多不濟者愴然有感 宿近村 梅

村野人家小憩 寄陳伯予主簿 夜坐

憶剡溪 道上見村民聚飲 小江 短

歌行 初寒 對鏡 書劔 城南道中

有感 寄子虞兼示子通 一年老一年

自東岡繚出舍北 有客 陳伯予見

過喜予強健戲作 東陽郭希呂呂子益

送酒 夜坐 兩日意殊不憚作短歌自

遣 戲書日用事 獨立 夢中江行過

鄉豪家賦詩二首既覺猶歷歷能記也

病中夜息 得子虞書言明春可歸 雜

賦 十二首 散懷 書壁 二首 冬日坐中即

事 六首 冬日排悶 二首 法雲寺 自法雲

歸 枯菊 聞吳中米價甚貴二十韻

寒夜偶懷壯遊書感 夢曾文清公 睡

覺 湖邊小聚 雨 二首 雨後快晴步至

湖塘兩日寒雨作雪不成夜忽大雨遂

晴歲窮凍坐古意二首雪意復作

醉書

劔南詩彙目錄卷七 九終

劔南詩彙卷第七十九

秋思

湖邊一夜霜。庭樹無秋聲。嬾不近筆硯。何以紓  
幽情。但有一睡耳。展轉無由成。起擁地爐暝。坐  
待天牕明。

又

弊衣但故絮。糲食惟黃虀。餘年如登山。步步勤  
攀躋。從子念寂寞。千里致鹿麕。秋風石帆下。伴

我扶青藜

又

稽山九十翁病起無氣力擁杖牧雞豚乃是老人職一盃芋糝羹孫子喚翁食既飽負朝陽自愧爾何德

又

今日鵲噪簷邢趙別我西芻父去華老懷易感慨近別亦慘悽自我臥孤村海內無輪蹄垂虹秋愈

佳不得同裝齋

覽鏡

鏡中老翁誰非復少年我誦書如布穀拈出無一可又非富貴逼棄去自不果無功博一飽有臯當萬坐老境最堪笑作計日益左正似鳩拙巢不及蚕自裹霜寒衣未贖瑟縮附殘火作詩數十年所得良鎖鎖弱松困蔓纏何日見磊砢洞庭可遠遊秋風息拔施

雨晴

小雨初增氣慘悽  
新晴差解病沉迷  
虛廊靜院聽松籟  
細草甘泉養鹿麕  
寒靄細分山遠近  
野歌相應路高低  
孰知倦客蕭然意  
水品茶經手自攜

秋盡自遣

息駕江湖上推移  
歲又殘雨添苔暈  
紫霜染柏林丹貧  
歎畊疇薄狂依禁  
網寬遊山攜一鉢  
到

寺即開單

又

老健非頤攝羈窮為  
拆除人情看已慣  
身在不論餘席下錢  
雖盡餅中粟有儲  
行歌混糶牧吾計  
未全疎

晝臥

我意殊昏然一日三  
就枕目前幸未病  
病勢亦凜凜偶拈一  
卷讀美若鳩食甚  
雖云嗜好篤自



計亦已審聖門未能窺詎敢希在寢所求養根  
原常恐躡堦品死期誠已迫尚可支數稔蓼  
不廢功吾其享高廩

信未獨坐

博山香霧散翻翻袖手何妨靜掩扉六十年前

故人盡

紹興中往還朋舊  
今乃無一人在

八千里外寄書稀

張自

季長下世蜀  
中書問幾絕

昨朝送客桐江去今日逢僧剡縣

歸欲作小詩還復嬾海鷗與我兩忘機

書感

衰顏非復笱年朱幾過黃公舊酒壚成敗只堪  
三太息是非終付一胡盧連天煙草迷歸夢動  
地風波歷畏途辛苦一生成底事躬畊猶得補  
東隅

舟中夜賦

問天乞得不貲身常作東阡北陌人買酒不澆  
胃礪礪憂時空覺膽輪困寓居尚復能栽竹羈

宦懸知正憶尊。那似石帆山下客。釣船載月泊  
煙津。

舍傍晚步

蒲團初起定。藤杖偶閒行。鳥語如相命。魚浮忽  
自驚。麥苗經雨綠。楓葉得霜頰。野老淳風在。悠  
然不送迎。

又

養疾便居僻。尋幽喜雨晴。偶因將鹿出。遂作放

魚行。木落塢初見。潦收灘自生。霜清念遊行。漸  
擬問山程。

自詠

紛紛世態但堪悲。一念蕭然我亦奇。醉裏猖狂  
醒自笑。夢中虛幻覺方知。江湖重複風波惡。齒  
髮凋零歲月馳。安得中原路如砥。渭川釣伴待  
多時。

又

茅舍蕭條似寶坊老人終日對爐香學荒自笑  
身空在祿盡誰知壽更長陂水蘸隄常濼濼麥  
苗覆塊已蒼蒼經行更有欣然處四野鉏耰滿  
夕陽

初冬

初冬常憶宴梁州百炬如椽滿画樓三十七年  
猶未死茅簷霜冷一燈幽

霜晴

萬瓦新霜白一窗朝日晴破裘身亦暝細字眼  
猶明毫喜譔諄語衰常蹉踔行登封書不草力  
穡報時平

初寒

新雁來時歲又殘丹楓數樹照江干前山雲起  
忽成暝陋屋雨來初變寒身退已收清禁夢里  
居終出上恩寬作詩老恨無奇息時取囊中斷  
橐看

題傳神

溼雲生兩履細雨暗孤蓬悔不桐江上從初作

釣翁

書感

伐性戕生豈一端算年贏得是衰殘齒牙零落  
畏大裁毛髮蕭疎便小冠愔日每驚新曆換怯  
寒尚覺弊廬寬華山阻絕岷山遠安得冥鴻偕

羽翰

宋都曹屢寄詩且督和畲作此示之

古詩三千篇刪取財十一每讀先再拜若聽清

廟瑟詩降爲楚騷猶足中六律天未喪斯文杜

車輿少後足微自命老乃獨出陵遲至元白固已可憤疾及觀晚唐

作令人欲焚筆此風近復熾隙穴始難窒淫哇

解移人往往喪妙質苦言告學者切勿爲所怵

杭川必至海爲道當擇術

獨飲

初南詩集

卷之七九

及古圖

蕭蕭霜風勁蕭蕭木葉聲殘年如寄爾冷坐太  
憎生就市沽新釀呼兒洗破觥獨斟還獨醉無  
月配長庠  
簡湖中隱者  
十里隔天鏡一菴依翠屏甘泉勝牛乳靈藥似  
人形處處筇枝健年年鬢色青客星猶不作肯  
應少微星

初冬雜詠

重陽已過二十日殘菊纔存三四枝對酒插花  
君勿笑從來不解入時宜

又

古壽書來言得壻東陽人到報生孫一家三處  
俱強健且撥閒愁近酒尊

又

兒時愛書百事廢飯冷敲乾呼不來一生被誤  
終未醒老作蠹魚吁可哀

微風感水靴文浪薄日烘雲卵色天但恨世間  
閒客少江湖底處欠漁船

又

書生本欲輩莘渭蹭蹬乃去爲詩人囊中略有  
七千首不負百年風月身

又

俗緣已斷寧容續幽事雖多不厭增折簡迎醫  
看病鹿舂粳炊飯供遊僧

又

夜窗父子共煎茶一點青燈冷結花村落盜清  
無犬吠園林月上有啼鴉

又

老去胸中百事真同遊無復白頭新鵲從熟後  
頻分食鹿漸馴來不避人

老歎

齒髮衰殘久退休，衡茅荒寂更禁秋。一無用力  
身猶倦，百不關心夢亦愁。遠浦臥看鳧泛泛，深  
林時聽鹿呦呦。天台日有遊僧過，白朮黃精不  
待求。

無大小園

誰爲閒愁撥不開，小園也復有池臺。清泉白石  
皆吾友，綠李黃梅盡手栽。衝雨茭雞時上下，近  
人栗鼠不驚猜。自憐兩屨猶輕捷，不待兒扶日

日來

冬夜息里中多不濟者，愴然有感。

大耋年光病日侵，久辭微祿臥山林。雖無歎老  
嗟卑語，猶有哀窮悼屈心。力薄不能推一飯，義  
深常願散千金。夜闌感慨殘燈下，皎皎孤懷帝  
所臨。

宿近村

病齒漂浮短髮稀，此身猶墮亂書圍。邯鄲倦枕

鏡南詩集 十  
晨炊熟昌谷空囊晚醉歸久困厭從人乞貸力  
畊頻遇歲凶飢行年九十窮彌甚旅舍燈前自  
綻衣

梅村野人家小憩

正遣清詩覓菊栽穿雲涉水又尋梅萬牛不挽  
新愁去一鳥還驚午夢回老媿逢人說幽憤窮  
能隨事學低催江邊漂母何爲者無食王孫未  
易哀

寄陳伯予主簿

今年閏餘時令早十月霜風吹客倒老夫畏寒  
不出門數步隣家迹如掃此時陳子獨何勇飢  
僮瘦馬長安道絕知涵養與人別吐氣如虹失  
衰老孟軻浩然正應爾豈比區區養梨棗萬鍾  
于子本何加一官未免從人討世誰不達子獨  
窮孰念令人惡懷抱石渠天祿正須才往乞楊  
雄太玄草



夜坐憶剡溪

老人苦境

早睡苦夜長，晚睡意復倦。歛膝傍殘燈，拭背展書卷。時時搔短髮，稍稍磨凍硯。更闌月入戶，皎若舒白練。便思泛樵風，溪名次第入剡縣。名山如高人，豈可久不見。語意既妙，起句用以作結更妙。

道上見村民聚飲

霜風利如割，霜葉淨如掃。正當十月時，我行山陰道。場功俱已畢，歡樂無壯老。野歌相和畝，村鼓更擊考。市墟酒雖薄，羣飲必醉倒。雞豚治羹，裁魚鱉雜鮮。藁但願時太平，鄰里常相保。家家了租稅，春酒壽翁媪。

小江

出郭四十里，孟冬天尚和。風生帆力健，木落月明多。小市人聲散，長橋炬火過。吾生幾來往，撫枕獨悲歌。

短歌行

富貴得意如登天自計一跌理不全晝食忘味  
夜費眠渠過一日如一年春蚕得衣畊得食農  
功初成各休息賣酒壚邊紛鼓笛我過一年如  
一日二者求兼勢安可與我周旋寧作我春城  
桃李豈不妍雪澗未妨松磊砢人生禍福難遽  
論廟犧身得爲孤豚君不見獵徒父子牽黃犬  
歲歲秋風下蔡門

初寒

重雲蔽白日陂港日夜涸秋風纔幾時已見霜  
雪作人生各有分豈必衣狐貉吳中冬蔬茂盤  
筯不寂寞搏泥治牆屋伐篠補籬落薄酒亦醉  
人問子胡不樂

對鏡

鏡中衰顏失敷腴綠鬢已作霜蓬枯兩肩聳聳  
似山字曳杖更有蠻童扶自驚何以致此老亟  
欲脩敬問起居徐徐熟視乃大笑但記管我忘

今吾今吾雖憊頗神王飛仙正可折簡呼遠遊  
縱未從谿父醉眼猶能隘具區

書劔

書劔當年徧兩川歸來垂釣鏡湖邊老皆有死  
豈獨我士固多貧寧怨天物外勝遊攜鶴去琴  
中絕譜就僧傳莫言白首詩才盡讀罷猶能意  
爽然

城南道中有感

行李蕭然一束書城南觸目更愁予市門乞食  
僧持鉢關路哦詩客跨驢殘髮無多真已矣名  
山未去獨何歟芒屨可買身猶健紅樹青霜十  
月初

寄子虞兼示子適

書生賦命難舉步得憂患敢論得意事一笑亦  
有限南征度閩嶺西戍歷蜀棧吳江聽唳鶴淮  
浦送歸雁歸來畊故山暮雨泥沒胛羣鴉下空

陂黃犢鳴絕岸索飯閔兒啼乞墦虞妾覩一裘  
三十年破裂不受綻欲添一把茅百計亦未辦  
大兒急親養辛苦就遠宦間出冒虜塵短甲中  
夜擲小兒奉親驩野果采溪澗勉使就微祿未  
對涕先潛觀汝兄弟意豈復厭藜莧兄歸弟不  
出定省同夜旦

一年老一年

一年老一年一日衰一日譬如東周亡豈復須

大疾嬾惰已廢書冊久病來亦復疎盃酒軼車  
小住固自佳拂袖便行亦何有下床擁火暝有  
餘鹹豆數粒粥一盂平生常笑愚公愚欲栽墮  
齒染白鬚千尺過喜平細不自東岡繚出舍北

年光豈不好老境獨無歡百步未爲遠一尊聊  
自寬澤枯波尚綠霜薄葉初丹矯首問來雁中  
原應苦寒

有客

有客南山至相攜飯野亭傾籃魚白白出籠菜  
青青米滑溪春碓酪渾草塞瓶從今同保社日  
醉不須醒

齒樂陳伯予見過喜予強健戲作

寒無羶坐甑生塵此老年來乃爾貧兩頰如丹  
君會否胸中原自有陽春

大寒東陽郭希呂呂子益送酒

山崦尋香得早梅園丁又報水仙開獨醒坐看  
兒孫醉虛負東陽酒擔來

夜坐

家家績火夜深明處處新畬雨後畊常媿老身  
無一事地爐堅坐聽風聲

兩日意殊不憚作短歌自遣

一月得笑纔四五十事敗意常八九國中謾說  
無雙士天下元無第一手平生愛酒恨小戶半

世爲文真弊帚劫灰處處吊興亡宿草年年哭  
 交友君看丈夫得意時大冠如箕印如斗一朝  
 棄去豈復論衣破何妨露雙肘有時采藥二室  
 間亦或釣魚五湖口死來萬古一熟眠安用虛  
 名傳不朽

戲書日用事

衰病時時作悶愁日日生寒添沽酒興困喜磴  
 茶聲琴廢還重理詩成更細評殘年那望進且

復暢幽情

一鶴獨立

上書不上登封書棄車但棄下澤車夕陽獨立  
 衡門外閒看村童學釣魚

嘗夢中江行過鄉豪家賦詩二首既覺猶歷

蕭蕭歷能記也

築屋傍江臯牆垣締結牢深門蔭楊柳高架引  
 蒲萄黍酒歡迎客麻衫旋束條兒孫勿遊惰常

念起家勞瘁容無改  
 蒲席剝風健江潮帶雨渾  
 樹餘梢纜迹崖有刺  
 篙痕酒醉湘君廟歌招屈子魂  
 客途嗟草草無處采芳蓀  
 音林童學後魚

一病輒兼旬百憂集  
 雙鬢藥裹堆床滿  
 生意垂欲盡時聞雀翻更  
鄉中有栖雀夜鳴為翻更  
 頻看燈落燼平

生學六經白首頗自信  
 拳拳服仁義念念去驕  
 吝所覲未死間猶有分寸進

得子虞書言明春可歸

白首相依飽蕨薇  
 吾家父子古來稀  
 春秧出水柔桑綠  
 正是農時望汝歸

雜賦

地爐夜熱麻蕪煖  
 瓦脯晨烹豆粥香  
 不是有心輕富貴  
 從來吾亦愛吾鄉

又

病叟胸中一物無  
夢遊信脚到華胥  
覺來忽見天窗白  
短髮蕭蕭起自梳

又

終日纔堪米一升  
生涯略似草菴僧  
溼薪不管晨炊晚  
畱得松肪代夜燈

又

出門信步作閒遊  
野廟村坊到處畱  
每伴樵夫

嘗半舍更隨牧豎采沿溝

半舍沿溝皆果名

又

體不佳時看周易  
酒痛飲後讀離騷  
騎驢太華三峰雪  
鼓棹錢塘八月濤

又

管人莽莽荒丘裏  
陳迹紛紛朽簡中  
畢竟是非誰辨得  
舉盃吾欲問虛空

又



百億須彌理固有八九雲夢何足吞天下廣居君識否。一。間。茆。屋。寄。孤。村。

又

夢裏曾作南柯守少時元是東陵侯今朝半醉歸草市指點青帘上酒樓

又

七十八十古來稀行年九十固應衰已興工部耳聾歎更和文公齒落詩

又

中年畏病盃行淺晚歲修真食禁多謝客杜門殊省事一盃香飯養天和

又

齊民讓畔不爭桑和氣橫流歲自穰君看三山百家聚更無一壠有遺蝗今年蝗孽獨三山過而不下遂不為災

又

得雨郊原已徧畊東家西舍多逢迎前山雲起

樹無影別浦潮生舩有聲

散懷

小疾便幽翳孤懷抱鬱陶遺文誦史漢奇思探  
莊騷談笑寬吟苦經行慰作勞東岡聊一往突  
兀古臺高

書壁

稻草高茨屋繩樞窄作門漁樵皆結友鄰曲自  
通婚畱客秋茶苦醺人社酒渾餘年尚有歎一

飯亦君恩

又

故里還初服明恩念老農方蒙鏡湖賜又忝渭  
川封炊粟猶支日藏蔬可御冬霜天病益減高  
枕聽隣鐘

冬日坐中卽事

讀書雖所樂置之固亦佳燒香袖手坐自足紓  
幽懷我生本從人豈願終不諧其如定命何生

死一茆三

又

一帚常在傍有暇卽埽地既省課童奴亦以平  
血氣按摩與導引雖善亦多事不如埽地法延  
年直差易

又

夙興人尙默衆鳥相語言小語豈不可何至爾  
啾喧吾獨擁燎爐宿火有餘溫澹然以自適喧

寂何足論

又

詰朝澹無營百事付童子拂我架上書注我硯  
中水覓睡不復成取衣乃徐起卒歲如一朝底  
處著愠喜

又

我老苦宋寥誰與娛晨莫狸奴芙蓉茵席鹿麕隨  
杖屨歲薄食無餘恨使鳥雀去安得粟滿囷作

粥餽行路今無籍別對魚書去安得粟飯園  
 又未嘗請與數景莫勝文  
 東園二畝地重重作藩籬我豈婦女哉避客門  
 不窺要當盡徹去來往無它歧飯罷忌久坐時  
 須曳筇枝不負如鄉之  
 冬  
 日  
 排  
 悶

老欲躬畊力弗強但應賣藥似韓康陳編時見  
 古成敗舊友不知今在亡已返山林遺世事尚

憑詩酒荅年光此身自笑如稊米加損寧能繫  
 太倉

又

地爐微火伴寒灰垂野江雲暝不開欲睡手中  
 書自墮半酣窗外雪初來渡頭照影聞征雁籬  
 角吹香得早梅佛粥春盤俱不遠籬籬斗柄欲  
 東回

法雲寺

主僧妙湛方  
 作鐘樓未成

初南詩集

卷之七九

及古閣

勾踐舊國古會稽南山擁郭分東西城門大路  
引繩直西走百里皆平堤客行欲曉到梅市喔  
喔尚聽城中雞法雲古寺臨大澤風皺百頃青  
玻璃迎來送往此其地素壁時見前人題乖離  
會合浩莫計歷觀名氏空含悽山僧慣見爲客  
歎榮悴從來如夜旦明年吾樓插天半世事君  
須倚闌看

自法雲歸

落日疎林數點鴉青山闕處是吾家歸來何事  
添幽致小竈燈前自煮茶

枯菊

龍山落帽未多時陳迹依然使我悲粲粲菊花  
何似好堦前惟見束枝枯

聞吳中米價甚貴二十韻

千錢得斗米一斛當萬錢嗟汝蚩蚩民何恃以  
自全我欲告父老食爲汝之天勿結迎神社勿

飾杭湖船築室勿斲削但取垣屋堅婦女省釵  
澤野粧何用妍趨利常處薄衆役常在前歲時  
相勞苦盛饌一豚肩近市可致酒雖薄亦醺然  
切勿慕公卿早朝妨熟眠亦勿謀高貲貪吏不  
汝憐有負固吹毛無罪亦株連豈暇論曲直挺  
繫如登僊短褐與飯豆溫飽可終年草廬挂葦  
箔乃可數世傳朱門雖赫赫變化如飛煙爲農  
最得策本無祿與權時平自逸樂奉牲祭其先

不幸有散徙均爲寓民編吾詩不足徵請讀七  
月篇

寒夜偶懷壯遊書感

疇昔西遊萬里還狂吟散落滿人間買空綠水  
橋邊酒看徧青城裏山梅蕊疎疎春欲動川  
雲漠漠雪猶慳偶息五十年來事顧影燈前自  
笑頑

夢曾文清公

有道真爲萬物宗  
巉然使我歎猶龍  
晨雞底事驚殘夢  
一夕清談恨未終

睡覺

白日悠悠喜意平  
夢中歷歷覺魂清  
覺時不落晨雞後  
靜待天窗一點明

湖邊小聚

小聚遠塵囂  
淳風獨未澆  
鳴機燈煜煜  
飲犢雨蕭蕭  
臭味常交致  
新醪亦苦邀  
人間交道絕  
令

我慕漁樵

雨

秋冬久不雨  
氣濁喜雲生  
麥壟崇朝潤  
茄檐徹夜聲  
初來斷幽徑  
漸密雜疎更  
賴有牆陰薺  
離已可烹

又

薄晚初沾灑  
清晨更慘淒  
魚寒拋餌去  
鴉溼就簷栖  
幽澗濺濺溜  
長隄淺淺泥  
一盃持自賀  
吾

事在鋤犁

雨後快晴步至湖塘

齒豁從教道字訛負薪陌上且行歌  
古人亦自逢時少吾輩何疑忤俗多  
山埽黛痕如尚溼湖開鏡面似新磨  
亦知大有掀髯處無奈西流白日何

兩日寒雨作雪不成夜忽大雨遂晴

沂水翻濤一夜風浮雲吹盡日行空  
天公豈是

真慳雪三白畱來付臘中

歲窮

困阨身如寄推遷歲忽窮  
百年均昨夢萬古一飛鴻  
夜甕鳴春酒晨畦擷晚菘  
屬屨童子笑便腹負吾翁

凍坐

湖海淒涼地風霜慘淡天  
吾其去道近無酒亦陶然



古意

千金募戰士萬里築長城何時青塚月却照漢家營

又

夜泊武昌城江流千丈清寧為雁奴死不作鶴謀生

雪意復作

前日作雪風敗之今日澗雲雪復作

自為計宿麥懸知天已諾灞橋策

豐買酒聯輓脚胷中正著九雲夢廊廟何如一

丘壑上書陳事固可笑服藥求仙亦成錯不如

醉踏一劍騰風雲跨海東謁青童君

醉書

天公賦與五湖秋風月雲煙處處畱損食一年猶可健無詩三日却堪憂

劍南詩集卷第七十九

